



FEDERATA
SHQIPTARE E
FUTBOLLIT

RREGULLORE E VEPRIMTARISË FUTBOLLISTIKE

SEZONI 2024-2025



**ABISSNET
SUPERIORE U-21**



Federata Shqiptare e Futbollit

RREGULLORE E VEPRIMTARISË FUTBOLLISTIKE

SEZONI 2024-2025



ABISSNET SUPERIORE U-21

Botim zyrtar, 2024

PËRMBAJTJA

I. Parashikime te Përgjithshme

- Neni 1 – Qëllimi i Aplikimit
- Neni 2 – Përkufizime
- Neni 3 – Regjistrimi ne gare
- Neni 4 – Kriteret dhe procedurat e pranimit në garë
- Neni 5 – Integriteti i garës
- Neni 6 – Detyrimet e klubeve
- Neni 7- Ndeshje miqësore
- Neni 8 – Përgjegjësitë e klubeve pjesëmarrës
- Neni 9 – Anti doping
- Neni 10 – Fairplay
- Neni 11 - Siguracioni
- Neni 12 - Trofetë dhe medaljet
- Neni 13 – Pronësia industriale dhe intelektuale
- Neni 14 – Zyrtaret e ndeshjes
- Neni 15 – Rregullat e kontratave
- Neni 16 – Periudhat e transferimit
- Neni 17 - Pjesëmarrja në garat e UEFA-s

II. Format i Garës

- Neni 18 – Numri i ekipeve pjesëmarrëse në garë
- Neni 19 – Skema e shortit
- Neni 20 – Fazat e garës
- Neni 21 – Klasifikimi
- Neni 22 – Fituesi i “Abissnet Superiore U-21”
- Neni 23 – Rënia nga kampionati i Abissnet Superiore U-21

III. Kalendari i Garës

- Neni 24 – Datat dhe oraret e ndeshjeve
- Neni 25 – Ndryshimi datës dhe orës se ndeshjeve
- Neni 26 – Mbërritja e skuadrave
- Neni 27 – Shtyrja e ndeshjes
- Neni 28 – Shtyrja ose riluajtja e ndeshjes
- Neni 29 – Refuzimi për të luajtur dhe situata te ngjashme

IV. Infrastruktura Sportive

- Neni 30 – Stadiumet
- Neni 31 – Fusha e lojës
- Neni 32 – Fushat me bar artificial
- Neni 33 – Sistemi i ndriçimit
- Neni 34 – Ora dhe ekranet në stadium
- Neni 35 – Ora diellore e ndeshjeve

V. Organizimi i Ndeshjeve

- Neni 36 – Pajisjet e ndeshjes
- Neni 37 – Stërvitja përpara ndeshjes
- Neni 38 – Deklarimi i biletave

VI. Procedura e Ndeshjeve

- Neni 39 – Formulari i Skuadrave
- Neni 40 – Aspekte Protokollare te ndeshjes
- Neni 41 – Zona teknike dhe stoli i rezervave

VII. Regjistrimi i Lojtarëve dhe Zyrtarëve

- Neni 42 – Kriteret për regjistrimin e lojtarëve
- Neni 43 – Lista e lojtarëve
- Neni 44 – Aktivizimi i lojtarëve

VIII. Arbitrat

- Neni 45– Emërimi dhe zëvendësimi i arbitrave

IX. Çështje Disiplinore

- Neni 46 – Kodi i Disiplinës Sportive
- Neni 47 – Kartonat
- Neni 48 – Reklamimet
- Neni 49- Lojtarët, trajnerët dhe zyrtarët e pezulluar

X. Uniformat e Lojës

- Neni 50 – Aprovimi i uniformave
- Neni 51 – Ngjyrat
- Neni 52 – Numrat dhe emrat
- Neni 53 – Sponsorët në uniformë
- Neni 54 – Stemat

XI. Çështje Financiare

- Neni 55 – Shpërblimet nga FSHF
- Neni 56 – Detyrimet financiare për pjesëmarrje në garë
- Neni 57 – Llogaritë bankare të klubeve
- Neni 58 – E drejta e ekzekutimit të detyrimeve

XII. Shfrytëzimi i të Drejtave Tregtare

- Neni 59 – Hyrje
- Neni 60 – Të drejtat tregtare
- Neni 61 – Të drejtat tregtare të Abissnet Superiore U-21
- Neni 62– Liçensimi dhe tregtimi i produkteve

XIII. Marrëdhëniet me Mediat

- Neni 63 – Përgjegjësitë
- Neni 64 – Intervistat një dite përpara ndeshjes
- Neni 65 – Intervistat ne ditën e ndeshjes
- Neni 66 – Aksesit i mediave
- Neni 67 – Hapësirat e punës për mediat
- Neni 68 – Hapësirat e punës për transmetuesit audio vizual

XIV. Dispozita përfundimtare

Neni 69 – Zbatimi i rregullores

Neni 70 – Raste të pa parashikuara

Neni 71 – Mos respektimi i rregullores

Neni 72 – Anekset

Neni 73 – Miratimi dhe hyrja në fuqi

Aneksi 1 – Formulari i regjistrimit ne gare;

Aneksi 2 – Kalendar i ndeshjeve;

Aneksi 3 - Kontrata Standarde e Lojtarit;

Aneksi 4 – Uniformat;

Aneksi 5 – Rregullorja e *fair-play*

I. PARASHIKIME TË PËRGJITHSHME

Neni 1 – Qëllimi i Aplikimit

1.1 Kjo rregullore parashikon të drejtat, detyrimet dhe përgjegjësitë e te gjitha palëve qe marrin pjesë dhe janë të përfshira në përgatitjen dhe pjesëmarrjen në veprimtarinë futbollistike të Abissnet Superiore U-21.

Neni 2- Përkufizime

2.1 Për qëllimet e kësaj rregullore, vlejné përkufizimet e mëposhtme:

- a. FSHF: Federata Shqiptare e Futbollit;
- b. Stadium: është stadiumi i licensuar për tu zhvilluar ndeshjet e Abissnet Superiore U-21;
- c. Përpara ndeshjes: është koha ndërmjet mbërritjes së ekipeve në stadium dhe nisjes së lojës;
- d. Pas ndeshjes: është koha ndërmjet fishkëllimës finale të arbitrit dhe largimit të ekipeve nga stadiumi;
- e. Ndeshje zyrtare: ndeshje futbollit e organizuar nën mbikëqyrjen e FSHF, rezultati i së cilës është i vlefshëm për garat e organizuara nga FSHF;
- f. Ndeshje miqësore: është ajo ndeshje e organizuar nga FSHF, ndonjë klub apo person midis ekipeve të ndryshme të përzgjedhura në mënyrë të rastësishme, dhe rezultati ka efekt vetëm për këtë ndeshje apo turne;
- g. Sezon futbollistik: është periudha që fillon më datë 1 korrik, dhe përfundon më datë 30 qershor të ardhshëm;
- h. Zyrtar: çdo person, me përjashtim të lojtarëve, që kryen një detyrë për llogari të një klubi pjesëmarrës në garë apo të FSHF-së;
- i. Rregulloret e FSHF: ligjet e lojës së IFAB, statuti, rregulloret, udhëzimet, urdhrat e nxjerra nga FSHF të detyrueshme për t`u zbatuar nga pjesëmarrësit në garë.
- j. Të drejta tregtare: çdo e drejtë tregtare dhe mundësi që lidhen me kompeticionin përfshire të drejtat e medias, marketingut dhe të drejtat e lidhura me statistikat;
- k. Të drejtat e statistikave: e drejta për të përpiluar dhe shfrytëzuar statistikat dhe të dhëna të tjera që lidhen me kompeticionin;
- l. Doping: shkelja e një ose më shumë prej rregullave të përcaktuara të rregullave antidoping të parashikuara ne Rregulloren e Anti-Dopingit të UEFA-s;
- m. Ekip A: Ekipi i Parë;
- n. Ekip B: Ekipi i Dytë;
- o. Klubi pritës: klubi në fushën e të cilit zhvillohet një ndeshje e kësaj gare;

- p. Të drejtat e marketingut: e drejta për të reklamuar, promovuar, miratuar dhe tregtuar garën; për të zhvilluar aktivitete të marrëdhënive me publikun në lidhje me garën; dhe të shfrytëzimi i të gjitha reklamave, sponsorizimeve, hotelerisë dhe liçenimeve, tregtimin, botimin, lojërat, shitjen me pakicë, muzikë dhe ekskluzivitet mundësitë dhe të gjitha të drejtat e tjera tregtare që lidhen me garën;
- q. Të drejtat e mediave: e drejta për të krijuar, shpërndarë dhe transmetuar në një linear dhe/ose kundrejt kërkesës kudo në të botës me çdo mënyrë dhe në të gjitha mënyrat, në cilindo dhe të gjitha mediat, pavarësisht nëse dihen tani ose krijohen në të ardhmen (përfshirë të gjitha format e televizionit, radio, celular, wireless dhe shpërndarja e internetit), mbulimi dixhital, audiovizual, vizual dhe / ose audio i konkurrencën dhe të gjitha të drejtat e lidhura dhe / ose të lidhura, përfshirë edhe ato fikse, shkarkime dhe të drejta ndërvepruese;
- r. Partner: çdo palë e pranuar nga FSHF sipas kontratës për të ushtruar të drejtat tregtare të garës, dhe që merr pjesë direkt ose indirekt në financimin e garës;
- s. Zona teknike: zona teknike siç përcaktohet në Ligjet e Lojës së IFAB që përfshin fushën e lojës, si dhe dhomat e zhveshjes së gjyqtarëve, tuneli i lojtarëve dhe rruga që lojtarët dhe gjyqtarët marrin nga dhomat e zhveshjes në fushë.

2.2 Në kontekstin e kësaj rregulloreve, çdo frazë e prezantuar nga termat "përfshirë", "përfshijnë", "në veçanti", "për shembull" ose ndonjë shprehje e ngjashme është ilustruese dhe nuk kufizon kuptimin e fjalëve që u paraprijnë këtyre termave.

Neni 3 – Regjistrimi në Garë

3.1 Çdo anëtar dhe/ose pjesëmarrës në aktivitetet e organizuara nga FSHF i cili është kualifikuar në Abissnet përkatëse me meritë sportive duhet të regjistrohet në Garë.

Neni 4 – Kriteret dhe procedurat e pranimit në garë

4.1 Për të marrë pjesë në garë, klubet anëtarë dhe/ose pjesëmarrës në aktivitetet e organizuara nga FSHF duhet të përmbushin kriteret e mëposhtme:

- a. Të jenë kualifikuar në Abissnet përkatëse me meritë sportive.
- b. Të jenë liçencuar nga organi juridik përkatës i FSHF për të marrë pjesë në Abissnet përkatëse.
- c. Të plotësojnë dokumentacionin zyrtar të regjistrimit brenda afatit të përcaktuar nga FSHF.
- d. Të konfirmojnë me shkrim se ato vetë, lojtarët dhe zyrtarët e tyre do të zbatojnë këtë rregullore, Kodet dhe Rregulloret e tjera si dhe do të respektojnë ligjet e lojës së IFAB.
- e. Të konfirmojnë me shkrim se ato vetë, lojtarët dhe zyrtarët e tyre do të njohin juridiksionin e organeve juridike të FSHF, duke përfshirë por pa u kufizuar me CAS, Komisionin e Disiplinës, Komisionin e Apelit, Komisionin e Etikës, Komisionin e Liçensimit të Klubeve dhe Komisionin e Apelit për liçensimin e klubeve etj.
- f. Të konfirmojnë me shkrim se nuk janë të përfshirë direkt ose indirekt në veprimtari të cilat synojnë të influencojnë mbarëvajtjen apo rezultatin e një ndeshje futbolli në nivel kombëtar apo ndërkombëtar.
- g. Të informojnë me shkrim FSHF lidhur me çdo procedim përpara organeve juridike të FSHF apo atyre shtetërore ku klubi apo lojtarët dhe/ose zyrtarët e tij janë palë ose kanë cilësinë e të pandehurit apo ndonjë cilësi tjetër procedurale.

4.2 Nëse mbi baza të fakteve dhe informacioneve në dispozicion të FSHF, FSHF konkludon se klubi ka qenë i përfshirë direkt ose indirekt në veprimtari të cilat synojnë të influencojnë mbarëvajtjen apo rezultatin e një ndeshje futbolli në nivel kombëtar apo ndërkombëtar, FSHF ka të drejtë ta shpallë këtë klub të

papërshtatshëm për të marrë pjesë në garë. Papërshtatshmëria për efekt të këtij neni do të zgjasë vetëm për një sezon futbollistik.

- 4.3 Përveç masave administrative për shpalljen e një klubi te papërshtatshëm në kuptim të paragrafit 4.2, organet juridike të FSHF mund, nëse rrethanat e lejojnë, të ndërmarrin masa disiplinore në përputhje me Kodin e Disiplinës Sportive.
- 4.4 Një klub i cili nuk pranohet në garë, do të zëvendësohet nga klubi i cili është renditur më mirë sportivisht në garën përkatëse të FSHF, me kusht që të përmbushë kriteret e pranimit. Për qëllimet e kësaj dispozite, për evidentimin e ekipit të renditur më mire do të ndiqen parimet e mëposhtme:
 - i. numri i pikëve të grumbulluara në fund të sezonit paraardhës në grupin përkatës;
 - ii. diferenca e golave të shënuar dhe atyre të pësuar gjatë sezonit;
 - iii. numri me i madh i golave të shënuar gjatë sezonit;
 - iv. me short;
- 4.5 Në rast se një klub refuzon të regjistrohet në garë, edhe pse është kualifikuar me meritë sportive dhe është pajisur me licencën përkatëse, do të zëvendësohet nga klubi i cili është renditur më mirë sportivisht në garën përkatëse sipas parimeve të parashikuara në Nenin 4.4.

Neni 5 – Integriteti i Garës

- 5.1 Për të garantuar integritetin e garës, do të zbatohen kriteret e mëposhtme:
 - a. Asnjë klub pjesëmarrës në garat e organizuara nga FSHF nuk lejohet, që në mënyre direkte ose të tërthortë:
 - i. të ketë në pronësi aksione të një klubi tjetër pjesëmarrës në garat e FSHF;
 - ii. të jetë anëtar i një klubi tjetër pjesëmarrës në garat e FSHF-së;
 - iii. të mos jetë i përfshirë në asnjë mënyrë në menaxhimin, administrimin dhe/ose performancën sportive të ndonjë klubi pjesëmarrës në garat e FSHF-së;
 - b. Askush nuk mund të jetë i përfshirë në asnjë mënyrë, qoftë direkte apo të tërthortë në ndonjë cilësi në menaxhimin, administrimin dhe/ose performancën sportive të më shumë se një klubi pjesëmarrës në garat e FSHF-së.
 - c. Asnjë individ apo entitet ligjor nuk mund të ketë kontroll apo influencë mbi më shumë se një klub pjesëmarrës në garat e FSHF. Për qëllimin e kësaj dispozite, ky kontroll apo influencë do të përkufizohet si:
 - i. zotërimi i kuotave mazhoritare apo numër mazhoritar votash;
 - ii. e drejta për të emëruar apo shkarkuar anëtarë të bordit, këshillit të administrimit, këshillit mbikëqyrës apo ndonjë organi administrativ të klubit;
 - iii. qënia si aksionar mazhoritar dhe kontrolli i të drejtës së votës përmes ndonjë marrëveshje të nënshkruar me një klub;
 - iv. influencimi në ndonjë mënyrë i procesit vendimmarrës të klubit.
- 5.2 Në rast se dy ose më shumë klube dështojnë në përmbushjen e këtyre parashikimeve, vetëm një klub do të lejohet të marrë pjesë në garë sipas kriterit të meritës sportive.
- 5.3 Klubet që nuk pranohen në garë zëvendësohen sipas parashikimeve të nenit 4.4.

Neni 6 – Detyrimet e klubeve

- 6.1 Me regjistrimin në garë, klubet pjesëmarrëse bien dakord që:
 - a. Të marrin pjesë në Abissnet Superiore U-21, duke rreshtuar lojtarët më të mirë në dispozicion përgjatë gjithë garës.
 - b. Të luajnë të gjitha ndeshjet në përputhje me këtë rregullore dhe me parimet e lojës së ndershme (*fair play*).
 - c. Të luajnë të gjitha ndeshjet nën drejtimin e një trajneri të pajisur me Licencën “UEFA PRO” dhe “UEFA “A”.

- d. Të zbatojnë statutin dhe të gjitha rregulloret në fuqi.
- e. Të zbatojnë vendimet e Komitetit Ekzekutiv të FSHF, administratës së FSHF apo çdo organi tjetër të FSHF që u komunikohet rregullisht (me publikim, shkresë apo e-mail).
- f. Të bashkëpunojnë me FSHF dhe njëri tjetrin për mbarëvajtjen e aktivitetit sportiv duke mos dëmtuar interesat e përbashkëta.
- g. Të mos përfaqësojë FSHF në asnjë rrethanë pa pasur autorizimin përkatës me shkrim.
- h. Të mos përhapin fakte të pavërteta, të mos fyejnë, shpifin apo denigrojnë klubet e tjera pjesëmarrëse, lojtarët apo zyrtarët e tyre, si dhe të mos çënojnë interesat e FSHF.
- i. Të informojnë FSHF me shkrim brenda 10 ditëve, për çdo ndryshim lidhur me ndryshime të mundshme të listës së lojtarëve, zyrtarëve apo kritereve fillestare të regjistrimit.
- j. Kur është e aplikueshme, të marrin pjesë si fitues në Superkupën e Shqipërisë;
- k. Të bashkëpunojë me FSHF për të garantuar respektimin e protokolleve përkatëse lidhur me ceremonitë zyrtare të organizuara nga FSHF.

6.2 Klubet janë të detyruara të përfshijnë në listën e stafit teknik deri në 7 (shtatë) zyrtarë gjithsej si më poshtë:

- a) Trainieri i Parë
- b) Zv. Trainier
- c) Trainieri i Portierave
- d) Përgatitësi atletik
- e) Mjeku
- f) Fizioterapisti
- g) Drejtori Sportiv

6.3. Klubet mund të punësojnë në ekipet e tyre trainier të licensuar si më poshtë:

- a. Për Abissnet Superiore trainieri i parë duhet të ketë minimalisht licencë UEFA "PRO", Zv. Trainier UEFA "A", Trainieri i Portierave UEFA B dhe përgatitësi atletik licensën përkatëse.
- b. Për Abissnet e Parë trainieri i parë duhet të ketë minimalisht licencë UEFA "A", Zv. Trainier UEFA B, Trainieri i Portierave UEFA B
- c. Në rast se një trainier është i rregjistruar në kursin pasardhës UEFA "PRO" dhe UEFA "A", mund të drejtojë një ekip në sezonin përkatës.
- d. Në rast të ndryshimeve të stafit teknik klubet kanë afat deri në 15 (pesëmbëdhjetë) ditë për zëvendesimet e stafit.

Neni 7 – Ndeshje miqësore

7.1 Asnjë klub nuk ka të drejtë të organizojë ndonjë ndeshje miqësore gjatë periudhës së sezonit futbollistik, në mënyrë të tillë që të ndikojë kalendarin e ndeshjeve të kampionatit.

7.2 Për çdo ndeshje miqësore që klubet do të organizojnë brenda ose jashtë vëndit janë të detyruara të paraqesin kërkesën pranë FSHF-së.

7.3 Klubet që nuk do të zbatojnë këtë rregull do të jenë pjesë e Komisionit të Disiplinës Sportive.

Neni 8 – Përgjegjësitë e klubeve pjesëmarrëse

8.1 Klubet pjesëmarrëse në garë janë përgjegjës për sjelljen e lojtarëve, zyrtarëve dhe spektatorëve të tyre si dhe të çdo personi i cili kryen ndonjë funksion në emër e për llogari të klubit.

- 8.2 Klubi pritës është përgjegjës për rendin dhe sigurinë përpara, gjatë dhe pas ndeshjes duke mbajtur përgjegjësi disiplinore.
- 8.3 Klubi pritës duhet të organizojë ndeshje në përputhje me instruksionet e FSHF-së dhe në bashkëpunim me klubin mik duke qenë përgjegjës për marrjen e masave organizative.
- 8.4 Klubi pritës është përgjegjës për zbatimin e rregullores mjekësorë të FSHF-së.
- 8.5 Klubet pjesëmarrëse kanë përgjegjësinë për tv mbrojtur interesat e FSHF-së duke e përjashtuar nga çdo përgjegjësi dhe detyrim financiar, penal, administrativ i çdo natyre që mund të lindë nga gara.

Neni 9 – Anti-Doping

9.1 Dopingi është i ndaluar dhe i dënueshëm. Në rast të shkeljes së rregullave anti-doping, FSHF do të nisë procedim disiplinor kundër shkelësve duke marrë masat e përshtatshme.

9.2 FSHF apo ndonjë entitet i caktuar prej sajë, mund të testojë një lojtar në çdo kohë.

Neni 10 – Fair Play

10.1 Të gjitha ndeshjet e Abissnet Superiore U-21 duhet të luhen në përputhje me parimet e lojës së ndershme (*fair-play*) siç përkufizohet në statutin e UEFA-s.

Neni 11 – Siguracioni

11.1 Cdo klub duhet të kryejë mbulimin me siguracion nëpërmjet një shoqërie sigurimesh për lojtarët stafit teknik dhe administrativ që ka në kontratë.

Neni 12 - Trofetë dhe medaljet

12.1 Trofeu origjinal i Abissnet Superiore U-21 që përdoret në prezantimin zyrtar të, është pronë e FSHF-së. Një replikë origjinale do t'i dorëzohet fituesit Abissnet Superiore U-21.

12.2 Replika origjinale e trofeut e cila i dorëzohet fituesit, duhet të mbetet në posedimin e klubit në çdo kohë dhe nuk mund të zhvendoset nga selia e klubit pa lejen me shkrim të FSHF. Klubet nuk duhet të lejojnë që trofeu të përdoret nga palë të treta, përfshirë edhe sponsorët e tyre, në kontekstin e një lidhje apo bashkëpunimi mes palës së tretë dhe trofeut dhe/ose garës përkatëse apo FSHF.

12.3 Ekipi kampion i Abissnet Superiore U-21 do t'i dorëzohen përmes një ceremonie zyrtare:

- a. Kupa e Kampionit të Abissnet Superiore U-21;
- b. 30 (tridhjetë) medalje;
- c. Një shpërblim prej 1.000.000 (një milion) lekë;

12.4 Çdo 10 (dhjetë) vite, FSHF do të modelojë dhe prodhojë një edicion të ri të kupës origjinale;

12.5 Çdo here që një klub shpallet Kampion Kombëtar në Abissnet Superiore U-21, emri i tij do të gdhendet në trupin e kupës origjinale.

12.6 Nuk lejohet prodhimi i trofeve dhe medaljeve të tjera shtesë.

Neni 13 – Pronësia industriale e intelektuale

13.1 FSHF është pronare ekskluzive të gjitha e të drejtave industriale dhe intelektuale të garave të organizuara prej sajë duke përfshirë të drejtat aktuale e të ardhshme të transmetimit audio vizual, material të garës, emrat, logot, markat, muzika, maskotat, medaljet, pllakadat dhe trofetë. Çdo përdorim i të drejtave të sipër cituara bëhet vetëm me autorizimin e FSHF-së.

13.2 Të gjitha të dhënat e kalendarit të ndeshjeve si dhe çdo statistikë apo e dhëne tjetër që lidhet me ndeshjet dhe garat, janë pronë ekskluzive e FSHF. Asnjë bilete apo akreditim nuk mund të përdoret me

qëllim, aksesimin në keto të dhëna e statistika. Ky kufizim, nuk prek klubet pjesëmarrëse në garë, të cilët grumbullojnë të dhëna me qëllim instruksionin sportiv të ekipeve të tyre.

Neni 14 – Zyrtarët e ndeshjes

- 14.1 Përpara fillimit të sezonit futbollistik përkatës FSHF, do të publikojë listën e arbitrave, asistent arbitrave, vëzhguesve dhe delegatëve që plotësojnë kushtet për t'u emëruar në ndeshje.
- 14.2 FSHF ka të drejtën të heqë nga lista emrin e çdo zyrtari ndeshje në çdo kohë gjatë zhvillimit të sezonit futbollistik.
- 14.3 FSHF do të emërojë zyrtarët e ndeshjes të cilët do të jenë të caktuar në ndeshje zyrtare.
- 14.4 Pavarësisht zbatimit të pikës (14,3), këtu më sipër në këtë nen, FSHF ka të drejtë të ndryshojë emërimin e zyrtarëve të ndeshjes deri 12 (dymbëdhjetë) orë përpara fillimit të ndeshjes përkatëse.
- 14.5 Asnjë zyrtar ndeshje nuk duhet të ndërmarrë ndonjë veprimtari tjetër në ditën e ndeshjes pa njoftuar më parë FSHF.
- 14.6 Shpenzimet e zyrtarëve e ndeshjeve të Kampionatit Kombëtar do të mbulohen nga FSHF.

Neni 15 – Rregullat e kontratave

- 15.1 Lojtarët nën moshën 18 (tetëmbëdhjetë) vjeç nuk mund të nënshkruajnë një kontratë profesioni për një periudhë më të gjatë se 3 (tre) vjet. Çdo klauzolë që i referohet një periudhe më të gjatë nuk do të njihet.
- 15.2 Minimumi i kohëzgjatjes së një kontrate do të jetë nga data efektive e saj deri në fund të sezonit, ndërsa kohëzgjatja maksimale e kontratës do të jetë deri në 5 (pesë) vjet. Kontrata me kohëzgjatje tjetër do të lejohen vetëm nëse janë në përputhje me ligjin kombëtar.
- 15.3 Një klub është i lejuar të rinegociojë në çdo kohë kontratën e lojtarit edhe jashtë periudhave të transferimit, për të shtyrë afatin e përfundimit të kontratës. Nëse një marrëveshje e tillë arrihet midis palëve, dhe shpërblimi i ofruar për lojtarin është më i lartë se shpërblimi ekzistues, atëherë afati i kontratës aktuale mund të shtyhet për të paktën 1 (një) vit.
- 15.4 Kontrata midis një klubi dhe një lojtari do të nënshkruhet në çdo rast përpara një noteri të licencuar ose e cikluar nga zyra juridike e FSHF-së.
- 15.5 Lojtarët mbi 19 vjeç të një klubi profesioni do të mund të transferohen në skuadrën U21 të një klubi tjetër, vetëm duke nënshkruar një kontratë Profesioni me klubin e ri, ose në bazë të një marrëveshje dakordësie të shkruar me klubin e origjinës. Ky kufizim nuk zbatohet për lojtarët e akademive dhe klubeve jo profesioni si brenda dhe jashtë vëndit.
- 15.6 Klubi është i detyruar të dorëzojë pranë FSHF-së, kopje origjinale të kontratave të lidhura me çdo lojtar, jo më vonë se 10 (dhjetë) ditë nga data e nënshkrimit të kontratave përkatëse.
- 15.7 Në rast se klubi e dorëzon kontratën më vonë se 10 (dhjetë) ditë nga data e nënshkrimit, klubi përkatës do të sanksionohet me gjobë në masën 50.000 (pesëdhjetëmijë) Lek.

Neni 16 – Periudhat e transferimit

- 16.1 FSHF përpara fillimit të sezonit futbollistik publikon periudhat e transferimit në sistemin TMS të FIFA-S.
- 16.2 Periudhat e transferimit të lojtarëve janë 2 (dy).
- 16.3 Sezon futbollistik është periudha që fillon më datë 1 korrik, dhe përfundon më datë 30 qershor të ardhshëm;

Neni 17 - Pjesëmarrja në garat e UEFA-s

- 17.1 Pjesëmarrja e ekipeve në kompeticionet e Champions League dhe të Europa League do të bëhet në bazë të rregullores së Uefas.

II. FORMATI I GARËS

Neni 18 – Numri i ekipeve pjesëmarrëse në garë

18.1 Në Abissnet Abissnet Superiore U-21 marrin pjesë 12 (dymbëdhjetë) klube futbollit, anëtarë të FSHF-së të cilat janë liçencuar nga Komisioni i Liçencimit të Klubeve.

18.2 FSHF shpall listën e klubeve pjesëmarrëse në Abissnet Superiore U-21 për çdo sezon përmes shortit.

Neni 19 – Skema e shortit

Faza 1

Java 1	Java 2	Java 3	Java 4	Java 5		
3-10	8-6	2-12	1-4	3-12		
1-12	12-7	3-1	2-3	4-2		
4-9	1-2	4-11	9-7	5-1		
5-8	10-4	5-10	10-6	6-11		
6-7	9-5	7-8	11-5	7-10		
2-11	11-3	6-9	12-8	8-9		
Java 6	Java 7	Java 8	Java 9	Java 10	Java 11	
1-6	4-12	1-8	5-12	1-10	6-12	
2-5	5-3	2-7	6-4	2-9	7-5	
3-4	6-2	3-6	7-3	3-8	8-4	
10-8	7-1	4-5	8-2	4-7	9-3	
11-7	8-11	11-9	9-1	5-6	10-2	
12-9	9-10	12-10	10-11	12-11	11-1	

Faza 2

Java 12	Java 13	Java 14	Java 15	Java 16		
10-3	6-8	12-2	4-1	12-3		
12-1	7-12	1-3	3-2	2-4		
9-4	2-1	11-4	7-9	1-5		
8-5	4-10	10-5	6-10	11-6		
7-6	5-9	8-7	5-11	10-7		
11-2	3-11	9-6	8-12	9-8		
Java 17	Java 18	Java 19	Java 20	Java 21	Java 22	
6-1	12-4	8-1	12-5	10-1	12-6	
5-2	3-5	7-2	4-6	9-2	5-7	
4-3	2-6	6-3	3-7	8-3	4-8	
8-10	1-7	5-4	2-8	7-4	3-9	
7-11	11-8	9-11	1-9	6-5	2-10	
9-12	10-9	10-12	11-10	11-12	1-11	

Neni 20 – Fazat e garës

20.1 Abissnet Superiore U-21 do të zhvillohet me (dy) faza të rregullta.

Neni 21 – Klasifikimi

21.1 Klasifikimi në Abissnet Superiore U-21 bëhet përmes grumbullimit të pikëve sipas rregullit të mëposhtëm:

- a. Ekipi i cili fiton një ndeshje do të fitojë 3 (tre) pikë;
- b. Ekipi i cili barazon një ndeshje do të fitojë 1 (një) pikë;
- c. Ekipi i cili humb një ndeshje do të fitojë 0 (zero) pikë;

21.2 Rezultatet e ndeshjeve të zhvilluara regjistrohen dhe administrohen nga FSHF në mënyre të vazhdueshme përmes një tablele klasifikimi e cila duhet të përmbajë informacionin e mëposhtëm për çdo ekip pjesëmarrës:

- a. Numrin e ndeshjeve të luajtura në sezonin përkatës;
- b. Numrin e ndeshjeve të fituara/barazuara/humbura si ekip vëndas;
- c. Numrin e ndeshjeve të fituara/barazuara/humbura si ekip udhëtues;
- d. Numrin e golave të shënuar/pësuar në sezonin përkatës;
- e. Numrin e pikëve të grumbulluara në sezonin përkatës;

21.3 Klasifikimi i ekipeve në tabelën e klasifikimit do të përcaktohet sipas numrit të pikëve të grumbulluara gjatë sezonit, ku ekipi që ka grumbulluar më shumë pikë renditet në krye dhe ekipi që ka grumbulluar më pak pikë renditet në fund të klasifikimit.

21.4 Nëse dy ose më shumë ekipe kanë grumbulluar të njëjtën sasi pikësh, renditja e tyre në tabelën e klasifikimit përcaktohet duke mbajtur në konsideratë kriteret më poshtë:

- a. Pikët e grumbulluara në ndeshjet e zhvilluara midis ekipeve përkatëse;
- b. Diferenca e golave të shënuar dhe të pësuar në ndeshjet e zhvilluara midis ekipeve përkatëse;
- c. Diferenca e golave të shënuar dhe të pësuar gjatë Kampionatit Kombëtar të Futbollit, për Abissnet Superiore U-21 në sezonin përkatës;
- d. Numri më i madh i golave të shënuar gjatë Kampionatit Kombëtar të Futbollit, për Abissnet Superiore U-21, sezoni futbollistik përkatës;
- e. Me short;

Neni 22 – Fituesi i “Abissnet Superiore U-21”

22.1 Klubi i cili, në përfundim të sezonit përkatës, renditet në krye të tabelës së klasifikimit, shpallet Kampion i Kampionatit të Futbollit në Abissnet Superiore U-21.

Neni 23 – Rënia nga kampionati i Abissnet Superiore U-21.

23.1 Në Abissnet Superiore U-21 nuk do të ketë rënie nga Abissnet deri në formimin e kampionatit të Abissnet së Parë U-21

III. KALENDARI I GARËS

Neni 24 – Datat dhe oraret e ndeshjeve

- 24.1 Datat dhe oraret e zhvillimit të ndeshjeve do të përcaktohen nga FSHF përpara fillimit të sezonit përkatës. Kalendar i ndeshjeve shpallet jo më vonë se 10 (dhjetë) ditë përpara fillimit të ndeshjes së parë zyrtare të sezonit dhe është i detyrueshëm për t`u zbatuar.

Neni 25 – Ndryshimi i datës dhe orës së ndeshjeve

- 25.1 FSHF ka të drejtë të ndryshojë datën dhe/ose orën e përcaktuar për zhvillimin e një ndeshje.
- 25.2 Klubet të cilat marrin pjesë në ndeshjet ndërkombëtare për klube të organizuara nga UEFA, mund të kërkojnë pranë FSHF ndryshimin e datës dhe/ose orës së ndeshjes së Kampionatit apo Kupës së Shqipërisë nëse kjo ndeshje është planifikuar për t`u luajtur brenda 3 (tre) ditëve të së njëjtës javë.

Neni 26 – Mbërritja e skuadrave

- 26.1 Skuadrat pjesëmarrëse duhet të paraqiten në stadiumin ku është parashikuar për t`u zhvilluar ndeshja të paktën 90 (nëntëdhjetë) minuta përpara orarit të përcaktuar për fillimin e ndeshjes.

Neni 27 – Shtyrja e ndeshjes

- 27.1 Nëse për shkaqe objektive zhvillimi i një ndeshje vihet në dyshim, ekipi pritës duhet menjëherë të njoftojë FSHF. Kjo e fundit, vendos nëse ndeshja duhet të zhvillohet sipas parashikimit apo duhen bërë ndryshime në datën, orën apo vendin. Këto vendime janë të formës së prerë.
- 27.2 Arbitri i ndeshjes vendos nëse një ndeshje nuk mund të fillojë ose një ndeshje që ka filluar duhet të ndërpritet. Ky vendim merret në konsultim me delegatin e FSHF-së dhe kur është e mundur edhe me administratën e FSHF-së.
- 27.3 Nëse njeri nga ekipet mbetet me më pak se 7 (shtatë) lojtarë, ndeshja nuk mund të vijojë dhe duhet të ndërpritet.
- 27.4 Në çdo rast, vendimet merren vetëm mbi bazën e këtij neni pa paragjykuar masa të mundshme disiplinore.

Neni 28 – Shtyrja ose riluajtja e ndeshjes

- 28.1 Nëse një ndeshje nuk mund të fillojë ose nuk mund të luhet plotësisht, ndeshja e plotë ose pjesa e mbetur do të luhet, si rregull ditën e nesërme pa paragjykuar masa të mundshme disiplinore.
- 28.2 Nëse një ndeshje nuk mund të ri luhet ditën e nesërme, FSHF do të përcaktojë një datë për ri luajtjen e sajë.
- 28.3 Si rregull, ndeshja do të ri luhet në të njëjtin stadium. Nëse për shkaqe objektive ndeshja nuk mund të zhvillohet në të njëjtin stadium, FSHF do të përcaktojë një stadium tjetër.
- 28.4 Në rrethana përjashtimore, për çështje tepër urgjente të cilat mund të ndikojnë në vijimin normal të garës, me qëllim garantimin e ri luajtjes së ndeshjes, ekipi pritës duhet të sigurojë një stadium alternativ të aprovuar nga FSHF.
- 28.5 Pa paragjykuar masa të mundshme disiplinore, klubi përgjegjës për shtyrjen ose ri luajtjen e ndeshjes do të mbulojë shpenzimet e nevojshme për klubin tjetër, arbitrat, vëzhguesin dhe delegatin e ndeshjes.
- 28.6 Nëse arbitri vendos të ndërpres një ndeshje e cila ka filluar, pjesa e mbetur duhet të luhet në respekt të parimeve të mëposhtme:
- Ndeshja do të ri fillojë me listën e lojtarëve që ishin në fushën e lojës në momentin e ndërprerjes;
 - Masat ndëshkimore (karton i verdhe dhe/ose karton i kuq) të dhëna përpara ndërprerjes së ndeshjes, mbeten të vlefshme për pjesën e mbetur të lojës.
 - Masa ndëshkimore paralajmëruese (karton i verdhë) e dhënë përpara ndërprerjes së ndeshjes, nuk mbartet në ndeshje të tjera deri sa ndeshja e ndërprerë të përfundojë.

- d. Masa ndëshkimore me largim nga ndeshja (karton i kuq) e dhënë përpara ndërprerjes së ndeshjes, mbartet në ndeshjen pasardhëse. Lojtarët e larguar me karton të kuq, nuk mund të zëvendësohen dhe numri i lojtarëve në ndeshjen që ri luhet mbetet i njëjtë me atë që ishte në momentin e ndërprerjes.
- e. Ekipet mund të kryejnë vetëm zëvendësimet që u kishin mbetur në momentin e ndërprerjes së lojës.
- f. Ndeshja duhet të ri filloje në të njëjtin pozicion loje në të cilin është ndërprerë.

Neni 29 – Refuzimi për të luajtur dhe situata të ngjashme

- 29.1 Nëse një klub refuzon të luajë, nuk paraqitet në stadium ose është përgjegjës për mos zhvillimin e një ndeshje plotësisht apo pjesërisht, në Kampionatin Kombëtar të Abissnet Superiore U-21, Komisioni i Disiplinës dhe Etikës së FSHF-së, përveç masave të tjera disiplinore, do të shpallë ndeshjen të humbur në tavolinë. Nëse refuzimi apo mos paraqitja ndodh në më shumë se 1 (një) ndeshje gjatë një sezoni, klubi përgjegjës do të përjashtohet nga gara dhe do të zbritet të paktën një kategori më poshtë duke iu zbritur jo më pak se 6 (gjashtë) pikë në sezonin pasardhës.
- 29.2 Nëse një klub refuzon të luajë, nuk paraqitet në stadium ose është përgjegjës për mos zhvillimin e një ndeshje plotësisht apo pjesërisht në Garën e Kupës së Shqipërisë, ekipi përgjegjës humbet ndeshjen në tavolinë, përjashtohet nga gara për sezonin aktual si dhe atë pasardhës.
- 29.3 Nëse një klub përjashtohet për ndonjë arsye apo tërhiqet nga gara për Kampionatin Kombëtar të Abissnet Superiore U-21 do të veprohet si më poshtë:
- a. Nëse përjashtimi ose tërheqja ndodh kur ekipi ka kryer më pak se 50% të ndeshjeve të planifikuara, do të shpallen të pavlefshme të gjitha pikët që ekipet e tjera kanë marrë në takimet direkte me të.
 - b. Nëse përjashtimi ose tërheqja ndodh kur ekipi ka kryer 50% +1 ndeshje, pikët e grumbulluara gjatë ndeshjeve të zhvilluara, mbeten në fuqi. Ndeshjet e planifikuara për t'u zhvilluar sipas kalendarit në vazhdim do të jepen në tavolinë me rezultatin 3-0.
- 29.4 Në çdo rast klubet që tërhiqen nga gara, humbasin çdo të drejtë për kompensim financiar nga FSHF.

IV. INFRASTRUKURA SPORTIVE

Neni 30 – Stadiumet

- 30.1 Me përjashtim kur parashikohet ndryshe në këtë rregullore, ndeshjet do të zhvillohen në një stadium i cili përmbush kriteret e Rregullores së Infrastrukturës së FSHF-së.
- 30.2 Për Kupën e Shqipërisë vlejné minimalisht këto parashikime:
- a. Turi 1/16: Stadium i Kategoria 1
 - b. Turi 1/8: Stadium i Kategoria 1
 - c. Turi ¼: Stadium i Kategoria 2
 - d. Turi ½: Stadium i Kategoria 3

Neni 31 – Fusha e lojës

- 31.1 Klubi pritës duhet të bëjë çdo përpjekje të arsyeshme për te garantuar që fusha e lojës të jetë në kushte sa më të përshtatshme. FSHF mund të kryejë inspektime në çdo kohë për të kontrolluar kushte të fushës së lojës.
- 31.2 Si rregull, për fushat me bar natyral, lartësia e barit nuk mund të jetë me e lartë se 30 mm dhe e gjithë sipërfaqja e fushës duhet të jetë e prerë në të njëjtën lartësi. Nëse çmohet e arsyeshme nga arbitri ose delegati i FSHF, ekipit pritës mund t'i kërkohet të reduktohet lartësia e barit.
- 31.3 Fusha e lojës duhet të vaditet në mënyre uniforme. Si rregull, vaditja duhet të përfundojë 60 minuta përpara fillimit të ndeshjes. Përjashtimisht, klubi pritës mund të vadisë fushën e lojës me kusht që kjo të ndodhë:

- a. Maksimalisht 5 (pesë) minuta përpara fillimit të lojës;
 - b. Gjatë pushimit të lojës për maksimalisht 5 (pesë) minuta.
- 31.4 Portat duhet të instalohen në mënyre të sigurtë në përputhje me ligjet e lojës së *IFAB*.

Neni 32 – Fushat me bar artificial

39.1 Ndeshjet mund të zhvillohen në fusha me bar artificial me kusht që ato të përmbushin kriterin *FIFA QUALITY PROGRAMME FOR FOOTBALL TURF*.

Neni 33 – Sistemi i ndriçimit

33.1 Ndeshjet mund të zhvillohen me ndriçim artificial nëse sistemi i ndriçimit në stadiumin përkatës përmbush kriteret e Rregullores së Infrastrukturës së FSHF-së.

33.2 Klubet duhet të depozitojnë në FSHF një çertifikatë të vlefshme nga kompani të çertifikuara për testimin e sistemeve të ndriçimit.

33.3 FSHF mund të kryejë verifikime lidhur me sistemet e ndriçimit.

Neni 34 – Ora dhe ekranet ne stadium

34.1 Orët e stadiumit mund të përdoren për të shfaqur kohën e luajtur ose kohën mbetur të lojës me kusht që të ndalin në përfundim të kohës së rregullt të secilës pjesë loje. Ky parashikim vlen edhe për kohën shtesë.

34.2 Rezultati i ndeshjes apo ndeshjeve të tjera mund të shfaqet në ekranet gjigande të stadiumeve.

34.3 Klubet pritëse nuk mund të transmetojnë ndeshjen ose rastet e ndeshjes në ekran.

34.4 Klubet pritëse duhet të garantojnë që pamjet e transmetuara në ekran:

- a. Te mos kenë ndikim në ndeshje;
- b. Te mos provokojnë incidente mbi ekipet apo spektatorët;
- c. Te mos çënojnë rendin publik;
- d. Te mos çënojnë imazhin, reputacionin dhe autoritetin e ndonjë lojtari, arbitri, zyrtari apo te FSHF;

34.5 Delegati i FSHF-së mund të kërkojë që ekranet të përdoren vetëm për shfaqjen e rezultateve të ndeshjeve.

Neni 35 – Ora diellore e ndeshjeve

Tabela orientuese e orarit diellor si më poshtë:

Muaji	Ora
Janar	14:00
Shkurt	14:00
Mars	15:00
Prill	16:00
Maj	17:00
Qershor	17:00
Korrik	17:00
Gusht	17:00
Shtator	16:00
Tetor	14:00
Nentor	14:00
Dhjetor	14:00

V. ORGANIZIMI I NDESHJEVE

Neni 36 – Pajisjet e ndeshjes

- 36.1 Në të gjitha aktivitetet e FSHF-së përdoret vetëm topi zyrtar i licencuar nga FSHF në përputhje me Ligjet e Lojës së IFAB.
- 36.2 Klubi pritës duhet t'i vendosë në dispozicion ekipit udhëtues topa të njejtë me ato të lojës për sesionet e nxemjes përpara ndeshjes.
- 36.3 Klubi pritës duhet të jetë i pajisur me dy tabela zëvendësimesh, mundësisht elektronike.
- 36.4 *Goal Line Technology (GLT)* mund të përdoret në përputhje me Ligjet e Lojës së IFAB në ndeshjet zyrtare me qëllim asistimin e arbitrit për verifikimin e shënimit të golit. Ky vendim mbetet tagër vetëm i arbitrit dhe është i formës së prerë. Dëmtimi apo mos funksionimi i GLT nuk mund të paragjykojë vendimin e arbitrit. Nëse është e nevojshme, ndeshjet do të zhvillohen pa GLT. Çdo klub pjesëmarrës në Garë autorizon FSHF dhe subjektet e autorizuar nga FSHF për të instaluar sistemet e licensuara në stadiumin përkatës si dhe t'i sigurojë FSHF akses në çdo kohë lidhur me sistemin. Klubi në stadiumin e të cilit është instaluar GLT duhet të garantojë paprekshmërinë e GLT nga palë të treta.
- 36.5 Protokollin Video Assistant Referee **"VAR"** do të përdoret në ndeshjet zyrtare të kampionatit "Abissnet Superiore", në ndeshjet e turit çerekfinal e në vijim të "Kupës së Shqipërisë" dhe në raste specifike VAR mund të aplikohet në të gjitha ndeshjet e kampionateve të tjera Shqiptare, në përputhje me Ligjet e Lojës së IFAB me qëllim asistimin e arbitrit për rastet e gabimeve të dukshme. Dëmtimi apo mos funksionimi i VAR nuk mund të paragjykojë vendimin e arbitrit. Çdo klub pjesëmarrës në Garë autorizon FSHF dhe subjektet e autorizuar nga FSHF për të instaluar sistemet e licensuara në stadiumin përkatës si dhe t'i sigurojë FSHF akses në çdo kohë lidhur me sistemin. Klubi në stadiumin e të cilit është instaluar VAR duhet të garantojë paprekshmërinë e zyrtareve që zbatojnë protokollin VAR nga palë të treta. Dështimi në zbatimin e këtij neni do të jetë objekt i Komisionit të Disiplinës dhe Etikës.

Neni 37– Stërvitja përpara ndeshjes

- 37.1 45 minuta përpara fillimit të ndeshjes, nëse kushtet e fushës së lojës e lejojnë, ekipi udhëtues duhet të lejohet të kryejë një seancë stërvitore.

Neni 38 – Deklarimi i biletave

- 38.1 Klubet pritëse duhet të vendosin në dispozicion të spektatoreve udhëtues të paktën 5% të kapacitetit total të aprovuar nga FSHF për stadiumin përkatës, në një pozicion të veçuar dhe të sigurtë.
- 38.2 Përveç sa më sipër, Klubet pritëse duhet të vendosin në shitje bileta të Kategorise më të lartë për spektatorët VIP të ekipit udhëtues pa qenë ky i fundit i detyruar për t'i blerë të gjitha.
- 38.3 Zyrtarët e FSHF-së dhe të paktën 20 përfaqësues të Klubit udhëtues duhet të pajisen me bileta VIP nga Klubet pritëse.
- 38.4 Klubet pjesëmarrëse mund të dakordësojnë me marrëveshje çështjet e biletave duke njoftuar paraprakisht me shkrim FSHF.
- 38.5 Klubet janë të detyruara të vendosin çmim të njëjtë biletash si për tifozët vendas ashtu edhe për tifozët e ekipit udhëtues në sektorë të njejtë në stadium.

VI. PROÇEDURAT E NDESHJEVE

Neni 39 – Formulari i ekipeve

- 39.1 Të paktën 60 minuta përpara ndeshjes, secili ekip duhet të listoje në formularin përkatës numrin e fanellës, emrin dhe mbiemrin për 21 lojtarë si dhe emrat, mbiemrat dhe detyrat për 7 zyrtarë që do të qëndrojnë në stolin e rezervave. Formulari duhet të përmbajë gjithashtu informacionin e nevojshëm për ngjyrat e fanellave të secilit ekip, përfshirë edhe uniformën e portierit.
- 39.2 11 Lojtarët e listuar në formularin e ekipit duhet të fillojnë ndeshjen si titullar. Lojtarët e tjerë listohen si zëvendësues. Numrat në fanellat e lojtarëve duhet të përputhen me numrin në formular, ku portieri dhe kapiteni duhet gjithashtu të identifikohen.
- 39.3 Vetëm 5 nga lojtaret e listuar si zëvendësues mund të luajnë. Një lojtar i cili është zëvendësuar nuk mund të luajë. Përrjashtimisht në ndeshjet e Kupës së Shqipërisë, gjate kohës shtesë lejohen të kryhet edhe 1 zëvendësim shtesë (gjithsej 6 zëvendësime)
- 39.4 Pas dorëzimit të formularit dhe përpara fillimit të lojës, ekipet nuk mund të kryejnë zëvendësime me përjashtim të rasteve të mëposhtme:
- Nëse ndonjë nga 11 lojtarët e listuar në formular si titullar e ka të pamundur të luajë për shkak të gjëndjes së papërshtatshme fizike, ai mund të zëvendësohet nga njëri prej lojtarëve të listuar si zëvendësues në formularin e ekipit. Gjate ndeshjes, mund të kryhen 5 zëvendësime në përputhje me ligjet e lojës së IFAB.
 - Nëse ndonjë nga lojtarët e listuar në formular si zëvendësues e ka të pamundur të luajë për shkak të gjëndjes së papërshtatshme fizike, ai mund të zëvendësohet nga një lojtar i regjistruar i cili nuk ishte listuar në formularin fillestar.
 - Nëse asnjëri prej portierëve të listuar në formularin e ekipeve nuk mund të luajë për shkak të gjëndjes së papërshtatshme fizike, ai mund të zëvendësohet nga një portier i regjistruar i cili nuk ishte listuar në formularin fillestar.
- Në çdo rast ekipi përkatës duhet të paraqesë Delegatit të FSH-sëF certifikatat mjekësore të nevojshme.

Neni 40 – Aspekte protokollare të ndeshjes

- 40.1 Emërtimi “Abissnet Superiore U-21 si dhe stema e përkatëse duhet të vendoset në qendër të paneleve apo sistemit të reklamave, në linjën përgjatë fushës, përballë me tribunën kryesore ose pozicionet e prodhimit televiziv.
- 40.2 Flamuri i FSHF duhet të vendoset në stadium në çdo ndeshje zyrtare. Ai u dorëzohet klubeve nga administrata e FSHF-së.
- 40.3 Të dy ekipet duhet të paraqiten në stadiumin përkatës 90 minuta përpara fillimit të lojës.
- 40.4 Në çdo ndeshje, lojtarët janë të ftuar t`u japin dorën kundërshtarëve dhe ekipit të arbitrave gjatë ceremonisë së rreshtimit në shenjë *fair-play*.
- 40.5 FSHF rezervon të drejtën për të vendosur materiale promocionale për të zhvilluar imazhin e garës.
- 40.6 Klubet duhet të njoftojnë paraprakisht me shkrim FSHF-në të paktën 24 orë përpara fillimit të ndeshjes lidhur me çdo ceremoni apo aktivitet, të tilla si veshja e bluzave me mesazhe sensibilizuese, mbajtja e një minute heshtje, shpalosja e parullave të caktuara nga tifozeria etj. FSHF rezervon të drejtën të miratojë ose jo, kërkesat e klubeve.

Neni 41 – Zona teknike dhe stoli i rezervave

- 41.1 Në stolin e rezervave mund të qëndrojnë vetëm 10 (dhjetë) lojtarë të listuar si zëvendësues dhe 7 (shtatë) zyrtarë të ekipit, nga të cilët njëri duhet të jetë mjek. Emrat e personave dhe funksionet e tyre duhet të listohen në formularin e ndeshjes.
- 41.2 Në afërsi të zonës teknike mund të qëndrojnë 7 (shtatë) persona si staf teknik i ekipit. Ndenjëset e tyre duhet të jenë përjashtë zonës teknike dhe duhet të kenë akses dhomat e zhveshjes. Emrat e personave dhe funksionet e tyre duhet të listohen në formularin e ndeshjes.

- 41.3 Gjatë ndeshjes, lojtarët zëvendësues lejohen të largohen nga zona teknike për të kryer nxemjen. Arbitri vendos vëndin se ku ata mund të kryejnë nxemjen dhe numrin e zëvendësuesve që mund të kryejnë nxemjen njëkohësisht.
- 41.4 Tymosja e duhanit nuk lejohet në zonën teknike përgjatë ndeshjes.
- 41.5 Përdorimi i pajisjeve të telekomunikacionit rregullohet në përputhje me ligjet e lojës së IFAB.
- 41.6 Përveç se kur vendoset ndryshe nga FSHF, si rregull i përgjithshëm, ekipi vendas do të qëndrojë në stolin e rezervave i cili ndodhet në krahun e majtë të fushës së lojës ndërsa ekipi udhëtues do të qëndrojë në stolin e rezervave i cili ndodhet në krahun e djathtë të fushës së lojës.

VII. REGJISTRIMI I LOJTARËVE DHE ZYRTARËVE

Neni 42 – Kriteret për regjistrimin e lojtarëve

- 42.1 Për të luajtur në ndeshje zyrtare, lojtari duhet të jetë i regjistruar pranë FSHF ose ndonjë federate tjetër anëtare të FIFA në përputhje me Rregulloren për Statusin dhe Transferimin e Lojtarëve të FSHF.
- 42.2 Çdo lojtar pjesëmarrës në ndeshje zyrtare duhet të jetë i pajisur me kartën e federimit lëshuar nga FSHF si dhe dokument të vlefshëm identifikimi si letërnjoftim ID ose Pasaportë. Arbitri i ndeshjes ka të drejtë t'i kërkojë lojtarit dokumentin e identifikimit.
- 42.3 Të gjithë lojtarët duhet t'i nënshtrohen ekzaminimeve mjekësorë.
- 42.4 Klubet janë përgjegjëse për pasojat ligjore dhe disiplinore që mund të vijnë nga aktivizimi i lojtarëve të paregjistruar.
- 42.5 Administrata e FSHF vendos lidhur me çështjet e provueshmërisë së lojtarëve.

Neni 43 – Lista e lojtarëve

- 43.1 Klubet janë përgjegjës për dorëzimin në FSHF të listës së lojtarëve të ekipit të parë dhe të dytë. Këto lista duhet të përmbajnë të dhënat për emrin, mbiemrin, datëlindjen, numrin e fanellës, kombësinë dhe shtetësinë e të gjithë lojtarëve që do të aktivizohen në garë bashkë me emrin e mbiemrin e trajnerit të parë. Listat duhet të shoqërohen me konfirmimin nga mjeku i ekipit se të gjithë lojtarët kanë kryer ekzaminimet mjekësorë të nevojshme. Mjeku i ekipit mban përgjegjësi për garantimin e kryerjes së ekzaminimeve nga lojtarët e klubit.
- 43.2 Lista e lojtarëve duhet të depozitohet në FSHF brënda orës 24:00 të ditës në të cilën mbyllet regjistrimet e periudhës përkatëse të transferimit. Lista duhet të jetë e shoqëruar me kontratën standarde (sipas Aneksit Nr.5) të nënshkruar nga të dyja palët në secilën faqe dhe vërtetimin mjekësor përkatës.

Neni 44 – Aktivizimi i lojtarëve

- 44.1 Gjatë një ndeshje zyrtare nuk mund të aktivizohen njëkohësisht në fushën e lojës më shumë se 5 (pesë) lojtarë të huaj.
- 44.2 Me lojtar të huaj do të kuptohet një lojtar i cili ka shtetësi të ndryshme përveç asaj të Republikës së Shqipërisë, Republikës së Kosovës apo Maqedonisë së Veriut.
- 44.3 Në kampionatin e Abissnet Superiore U-21 klubet kanë të drejtë të regjistrojnë lojtarë me datëlindje nga viti 2003 e më lartë duke zbatuar nenin 44 pika 44.5.
- 44.4 Përjashtimisht, FSHF mund të marrë në shqyrtim raste të lojtarëve me shtetësi të ndryshme përveç asaj të Republikës së Shqipërisë, Republikës së Kosovës apo Maqedonisë së Veriut nëse bazuar në prova shkresore, vërtetohet kombësia Shqiptare e lojtarit.
- 44.5 Lojtari i cili nuk ka mbushur moshën 16 (gjashtëmbëdhjetë) vjeç, nuk lejohet të luajë me ekipin e parë të asnjë klubi pjesëmarrës në kampionatet ose garat e organizuara nga FSHF.

- 44.6 Një lojtar në proces gjykimi në Organet Juridike të FSHF-së mund të regjistrohet nga një klub në listën e federimit COMET, por pa patur të drejtën e aktivizimit deri në momentin e marrjes së një vendimi përfundimtar nga Organet përkatëse.
- 44.7 Një lojtar mund të federohet në emër të një klubi që merr pjesë në Abissnet Superiore, ose U-21, Kategoria e Parë, vetëm si lojtar profesionist.
- 44.8 Një lojtar gjatë sezonit futbollistik mund të regjistrohet deri në 3 (tre) klube, por mund të aktivizohet deri në 2 (dy) klube.
- 44.9 Lojtari në Kupën e Shqipërisë mund të aktivizohet me më shumë se 1 (një) ekip gjatë një sezoni futbollistik.
- 44.10 Lojtarët e ekipeve të moshave, që janë të regjistruar në FSHF, kanë të drejtë të aktivizohen me të rriturit e klubit të tyre si dhe me ekipin U-21.
- 44.11 Lojtarët e federuar me ekipet e moshave të një klubi të cilët aktivizohen në fushën e lojës në ndeshjet e Kampionatit përkatës, kanë të drejtë aktivizimi në ekipin e të rriturve vetëm pas 48 orëve nga ndeshja e fundit.
- 44.12 Në rastet kur një lojtar i ekipit të moshave U-17 dhe U-19 është i pezulluar për një ndeshje si pasojë e 4 (katër) kartonave të verdhë në Kampionatin ku luan, ka të drejtë të luajë me ekipin e Parë/ose U-21 në Kampionatin e Abissnet përkatëse.
- 44.13 Lojtari që aktivizohet në kampionatin e moshave, kur ka masa disiplinore nuk ka të drejtë të aktivizohet me ekipin e të rriturve derisa të shlyej masën disiplinore.
- 44.14 Lojtari i ndëshkuar me masë disiplinore nga Komisionet Juridike të FSHF-së, e shlyen dënimin në vazhdimësi Kampionatin ku merr pjesë, në Kupën e Shqipërisë si dhe në Superkupë.
- 44.15 Lojtari do t'i kryej të veçuara dënimet e marra në Kampionat nga ato në Kupë për Karton të Verdhë dhe Karton të Kuq.
- 44.16 5 (pesë) lojtarë të federuar me ekipin U-21 të cilët aktivizohen në fushën e lojës në ndeshjet e Kampionatit përkatës, kanë të drejtë aktivizimi e Parë vetëm pas 48 orëve nga ndeshja e fundit.
- 44.17 3 (tre) lojtarë të federuar me ekipin e Parë të një klubi të cilët aktivizohen në fushën e lojës në ndeshjet e Kampionatit përkatës pavarësisht moshës më të madhe, kanë të drejtë aktivizimi në ekipin U-21 vetëm pas 48 orëve nga ndeshja e fundit.
- 44.18 Lojtarët e federuar me ekipin e parë dhe të moshave të një klubi të cilët aktivizohen në fushën e lojës në ndeshjet e Kampionatit përkatës kanë të drejtë aktivizimi ditën e nesërme me kushtin që të mos kalojnë limitin e 90 minutave aktivizim në të dyja ndeshjet.

VIII. ARBITRIMI

Neni 45 – Emërimi dhe zëvendësimi i arbitrave

- 45.1 Për Kampionatin Kombëtar të Abissnet Superiore U-21, zbatohen Ligjet e Lojës se IFAB lidhur me arbitrat.
- 45.2 Skuadra e arbitrimit përbehet nga arbitri, dy asistente dhe një zyrtar i katërt. Për ndeshje të caktuara, mund të emërohen edhe dy asistentë shtesë.
- 45.3 Departamenti i Arbitrimit në FSHF përcakton arbitrat për secilën ndeshje. Ata mund të jenë Shqiptar ose të huaj.
- 45.4 FSHF merr masat e nevojshme që arbitrat të paraqiten në stadiumin përkatës 90 (nëntëdhjetë) minuta përpara fillimit të ndeshjes.

- 45.5 Në rast se një arbitër ose asistent, e ka të pamundur për të ushtruar detyrën ai/ajo zëvendësohet nga një tjetër anëtar i skuadrës së arbitrimin si me poshtë:
- Arbitri zëvendësohet nga njëri prej asistentëve ose nga zyrtari i katërt nëse ky i fundit është arbitër.
 - Asistenti zëvendësohet nga zyrtari i katërt ose nga një asistent rezerve, kur kjo është e mundur.
 - Asistenti shtesë zëvendësohet nga zyrtari i katërt.
- Nëse është e nevojshme, ndeshja do të zhvillohet pa asistentet shtesë dhe/ose zyrtarin e katërt.
- 45.6 Arbitri i ndeshjes duhet të plotësojë protokollin e ndeshjes në sistemin COMET, jo më vonë se 24 (njëzet e katër) orë pas përfundimit të ndeshjes përkatëse .
- 45.7 Arbitrat e huaj:
- Në raste të veçanta, kur FSHF e sheh të arsyeshme, vendos që një ndeshje duhet të gjykohe nga arbitra të huaj.
 - Kërkesa për arbitra të huaj duhet të depozitohet në FSHF jo më pak se 10 (dhjetë) ditë nga data e zhvillimit të ndeshjes përkatëse.
 - Në rast se klubit të interesuar për arbitra të huaj i është miratuar kërkesa nga FSHF, klubi duhet të depozitohet në llogarinë bankare të FSHF-së shumën e nevojshme.

IX. ÇËSHTJE DISIPLINORE

Neni 46 – Kodi i Disiplinës Sportive

- 46.1 Parashikimet e Kodit të Disiplinës Sportive të FSHF-së aplikohen për të gjitha shkeljet disiplinore të kryera nga klubet, zyrtarët, lojtarët apo çdo individ që ushtron një funksion gjatë një ndeshje në emër të klubit përkatës.

Neni 47 – Kartonat

- 47.1 Si rregull, lojtari i cili largohet nga fusha e lojës me masë ndëshkimore nuk luan në ndeshjen pasardhëse të së njëjtës gare. Në rast të shkeljeve më të rënda, Komisioni i Disiplinës dhe Etikës pranë FSHF-së ka të drejtë të ndërmarrë masa ne përputhje me Kodin e Disiplinës Sportive.
- 47.2 Lojtari ose zyrtari i cili gjatë garës merr 4 (katër) masa ndëshkimore paralajmëruese me karton të verdhë, nuk mund të luajë ose të qëndrojë në pankinë në ndeshjen pasardhëse të së njëjtës garë.
- 47.3 Kartonet e verdhe individual mbarten ne Kampionatin e Abissnet përkatëse.
- 47.4 Kur lojtari i cili ka plotësuar numrin e 4 (katër) kartonave të verdhë dhe njëkohësiht është ndëshkuar me masë disiplinore nga Komisionet Juridike të FSHF-së, , filimisht do të shlyej dënimin e kartonave të verdhë dhe më pas pezullimin nga vendimet e Komisioneve Juridike.
- 47.5 Në Kupën e Shqipërisë ,lojtari që plotëson numrin 4 (katër) të kartonave të verdhë (KV) të marrë, nuk luan një ndeshje në garën përkatëse.
- 47.6 Lojtari do t'i kryej të veçuara dënimet e marra në Kampionat nga ato në Kupë për Karton të Verdhë dhe Karton të Kuq.
- 47.7 Kur lojtari ka një ose dy KV dhe pastaj merr një KK, kryerja e dënimin për KK, nuk eliminon KV.
- 47.8 Kur lojtari merr një karton të kuq, nuk luan në ndeshjen pasardhëse.
- 47.9 Kur lojtari pezullohet me masë disiplinore, pezullimi mbartet edhe për sezonin e ardhshëm.
- 47.10 Kartonat e verdhë të akumuluar në Kupën e Shqipërisë nuk do të mbarten në ndeshjen finale të kësaj gare.
- 47.11 Kartonat e verdhë të akumuluar në Kampionatin Kombëtar të Abissnet Superiore U-21 nuk do të mbarten në ndeshjet play-off dhe finale.

Neni 48 – Reklamimet

48.1 Klubet kanë të drejtë të reklamojnë probleme që lidhen me rezultatin e ndeshjes, në përputhje me Kodin e Disiplinës Sportive.

Neni 49 - Lojtarët, trajnerët dhe zyrtarët e pezulluar

49.1 Lojtarët, trajnerët ose zyrtarët të cilët janë sanksionuar me pezullim nga ndeshjet zyrtare, ose me përjashtim nga pjesëmarrja në garë, janë rreptësisht të ndaluar të marrin pjesë në ndonjë ndeshje zyrtare gjatë gjithë kohëzgjatjes së zbatimit të sanksionit përkatës, përfshirë këtu:

- a) janë rreptësisht të ndaluar të udhëtojnë së bashku me ekipin;
- b) janë rreptësisht të ndaluar të hyjnë ose të qëndrojnë në ambientet e brendshme të stadiumit, në dhomën e zhveshjes, në fushën e lojës, dhe/ose në stolin e rezervave;

49.2 Lojtarët, trajnerët ose zyrtarët të cilët shkelin përcaktimet në paragrafin (1), këtu më sipër në këtë nen, do të sanksionohen me gjobë me një vlerë prej 50,000 (pesëdhjetë mijë) lekë, si dhe me pezullim nga ndeshja për 2 (dy) ndeshje.

X. UNIFORMAT E LOJËS

Neni 50 – Aprovimi i uniformave

50.1 Me përjashtim ku parashikohet ndryshe, për ketë rregullore gjejnë zbatim parashikimet e UEFA *Kit/Equipment Regulations*.

50.2 Çdo klub duhet të depozitojë në FSHF formularin e aprovimit të uniformave bashkë me formularin e regjistrimit në garë përpara fillimit të sezonit përkatës. Uniformat duhet të jenë tre, të ndryshme për ndeshjet pritëse dhe ato në transfertë.

Neni 51 – Ngjyrat

51.1 Për të gjitha ndeshjet zyrtare, klubi pritës ka të drejtën e zgjedhjes së uniformës me të cilën do të luajë ndeshjet pritëse.

51.2 Në çdo rast kur arbitri i ndeshjes verën se ngjyrat e uniformave të dy ekipeve janë të ngjashme dhe mund të krijojnë konfuzion, ai vendos duke u konsultuar me delegatin e FSHF-së. Si rregull, në këto raste ekipi pritës duhet të ndryshojë uniformat për arsye praktike.

Neni 52 – Numrat dhe emrat

52.1 Përgjatë gjithë sezonit futbollistik, lojtarët e një klubi duhet të mbajnë të njëjtin numër në uniformën e lojës (në fanelle dhe në pantallona). Numri në uniforme mund të jetë nga 1 – 99. Nëse numri 1 përdoret, ai duhet të mbahet vetëm nga portieri.

Neni 53 – Sponsorët në fanellë

53.1 Vetëm sponsorët e aprovuar nga FSHF mund të vendosen në fanellën e lojës.

53.2 Klubet mund të ndryshojnë sponsorët në fanellë gjatë sezonit vetëm një herë gjatë një sezoni.

53.3 Fillimi i sezonit pa një sponsor në fanellë nuk konsiderohet ndryshim.

53.4 Ndryshimi i përmbajtjes (formës/logos) ndonëse sponsori është i njëjtë do të konsiderohet ndryshim.

53.5 Klubet të cilat kërkojnë të ndryshojnë sponsorin në fanellë duhet të depozitojnë në FSHF kërkesën të paktën 7 (shtatë) ditë përpara ndeshjes gjatë të cilës dëshirojnë të shfaqin sponsorin e ri.

53.6 Parashikimet e këtij neni vlejnë edhe për sponsoret ose reklamën në uniformat e stërvitjes.

Neni 54 – Stemat

54.1 Përgjatë gjithë ndeshjeve zyrtare, stema e Abissnet Superiore U-21 duhet të shfaqet në mëngën e djathtë të fanellës së lojës.

XI. ÇËSHTJE FINANCIARE

Neni 55 – Shpërblimet nga FSHF

- 55.1 Shpërblimet financiare të paguara nga FSHF shprehen në vlerë neto.
- 55.2 Shpërblimet financiare të paguara nga FSHF kryhen në LEK/EUR dhe paguhen në llogarinë bankare të klubit pjesëmarrës.
- 55.3 Me përjashtim të FSHF-së, klubet nuk mund të transferojnë të drejtën e shpërblimeve financiare tek një palë e tretë.

Neni 56 – Detyrimet financiare për pjesëmarrje në garë

56.1 Klubet pjesëmarrëse në Kampionatin Kombëtar të Abissnet Superiore U-21, detyrohet të paguajë detyrimet e mëposhtme financiare:

- a. 500 (pesëqind) Lek për çdo karton të verdhë, shumë e cila duhet paguar brenda 30 ditëve;
- b. 1000 (njëmijë) lek për çdo karton të kuq, shumë e cila duhet paguar brenda 30 ditëve;

Neni 57 – Llogaritë bankare të klubeve

57.1 Klubet pjesëmarrëse në Kampionatin Kombëtar të Abissnet Superiore U-21 detyrohen të njoftojnë FSHF të dhënat bankare përmes një formulari të posaçëm i cili duhet të nënshkruhet nga të paktën dy zyrtarë të klubit.

Neni 58 – E drejta e ekzekutimit të detyrimeve

- 58.1 Detyrimet financiare të parashikuara në këtë rregullore dhe vendimet e organeve juridike të FSHF, të cilat përmbajnë detyrime në të holla janë të detyrueshme për t'u ekzekutuar.
- 58.2 Nëse detyrimet apo vendimet e organeve juridike nuk janë ekzekutuar vullnetarisht nga debitori, dhe ky i fundit ka kredi pranë FSHF-së, ai ekzekutohet nga kjo kredi, prej Sekretariatit Teknik kryesisht ose kërkesë të kreditorit.
- 58.3 Sekretariati Teknik, pasi njofton debitorin, urdhëron Departamentin e Financave të vërë sekuestro mbi kredinë e debitorit dhe ta kalojë atë në favor të kreditorit.
- 58.4 FSHF konsiderohet gjithmonë si kreditor që merr pjesë bashkë me kreditorët e tjerë për detyrimin që po ai debitor i ka FSHF si rrjedhojë e kuotave të papaguara të pjesëmarrjes apo të anëtarësimit.
- 58.5 Detyrimet e vendosura me vendim të organeve të drejtësisë sportive, paguhen me preferim në këtë radhë:
 - a. Kreditë që rrjedhin nga marrëdhëniet e punës apo shërbimit për të anëtarësuarit në klube;
 - b. Kreditë që rrjedhin nga dënimet disiplinore të dhëna kundër klubeve.
 - c. Detyrimet për anëtarësim apo kuota të papaguara.
- 58.6 Kur shuma e nxjerrë nga ekzekutimi nuk mjafton për të paguar të gjithë kreditorët, Sekretariati Teknik në bashkëpunim me Sektorin e Financës, përgatit një projekt ndarje, duke veçuar fillimisht shumat për kreditë që paguhen me preferim dhe nga pjesa tjetër, që mbetet, paguan kreditë të tjera.

XII. SHFRYTËZIMI I TË DREJTAVE TREGTARE

Neni 59 – Hyrje

59.1 Nga pikëpamja e marketingut, është detyra e FSHF te përmbushë qëllimin statutor për zhvillimin e futbollit ne Shqipëri duke forcuar pozicionin e këtij sporti ne shoqërinë shqiptare. Mundësitë tregtare dhe financiare përdoren në dobi të zhvillimit afat gjatë të futbollit duke respektuar rregullat e tregut.

Neni 60 – Të drejtat tregtare

60.1 FSHF është pronare ekskluzive dhe përfituese e të gjitha të drejtave tregtare. Në përputhje me statutin, FSHF rezervon çdo të drejtë tregtare dhe industriale për të shfrytëzuar dhe shpërndarë të ardhurat prej shfrytëzimit të këtyre të drejtave.

60.2 Shfrytëzimi i të drejtave tregtare të garës:

- a. Të drejtat lidhur me median
 - Të gjitha të drejtat e lidhura me median mbi garat e organizuara nga FSHF shfrytëzohen nga FSHF.
- b. Të drejta të tjera tregtare
 - FSHF gëzon të drejtën ekskluzive për të shfrytëzuar të gjitha të drejtat e tjera tregtare dhe për të bashkëpunuar me partner/sponsor përgjatë garës. Partnerët apo sponsorët mund të kenë të drejtë ekskluzive për të shfrytëzuar të drejta të caktuara.
- c. Të drejtat e klubeve pjesëmarrëse në garë
 - Klubet mund të shfrytëzojnë disa të drejta mediatike në përputhje me këtë rregullore.
 - Klubet gëzojnë të drejtën për të shfrytëzuar fragmente (*highlights*) nga ndeshjet e tyre të cilat vendosen në dispozicion nga FSHF ose të prodhojnë fragmentet në ndeshjet e tyre (me maksimumi një kamera dhe pas aprovimit me shkrim te FSHF) për ta përdorur për qëllimet e tyre si analiza stërvitore etj.
- d. Të drejtat mbi të dhënat statistikore
 - FSHF mund të shfrytëzojë të dhënat statistikore të garës, përfshirë të gjitha ndeshjet dhe të autorizojë palë të treta për këtë qëllim.
 - Klubet mund të përpilojnë të dhëna statistikore për ndeshjet e tyre në garë për t'i përdorur për qëllimet e tyre duke pasur të drejtën t'i publikojnë këto të dhëna.
 - Klubet duhet të garantojnë se të dhënat statistikore nuk do të shiten dhe se asnjë palë e tretë nuk mund të asociohet me garën e organizuar nga FSHF.

Neni 61 – Të drejtat tregtare të Abissnet Superiore U-21

61.1 Partnerët dhe/ose sponsorët e FSHF-së dhe/ose klubeve pjesëmarrëse gëzojnë të drejtën ekskluzive për të shfrytëzuar nga ana tregtare dhe promocionale garën e Abissnet Superiore U-21. Të gjitha emrat, termat, simblet, logot, maskotat dhe/ose format e tjera artistike, grafike e muzikore lidhur me garën mund të përdoren vetëm nga partnerët dhe/ose sponsorët për qëllimet e tyre tregtare me aprovimin e FSHF-së.

61.2 Klubet pjesëmarrëse në garën e Abissnet Superiore U-21, marrin përsipër të garantojnë suportin maksimal për FSHF në mënyrë që të implementohen të drejtat tregtare të parashikuara në këtë rregullore.

61.3 Klubet pjesëmarrëse në garën e Abissnet Superiore U-21, duhet të bëjnë të gjitha përpjekjet e arsyeshme për të mbrojtur imazhin e garës duke penguar dhe ndaluar çdo veprim që cënon vlerën tregtare të aktivitetit, FSHF-së, anëtarëve të sajë dhe partnerëve apo sponsorëve.

Neni 62 – Liçensimi dhe tregtimi i produkteve

- 62.1 FSHF gëzon të drejtën e zhvillimit, prodhimit dhe tregtimit të produkteve që lidhen me garat e organizuara prej sajë të tilla si, por pa u kufizuar me maskota, kupa si dhe çdo produkt promocional që mbart pronësinë industriale të FSHF-së në bazë të ligjeve në fuqi.
- 62.2 Klubet pjesëmarrëse autorizojnë FSHF të përdorë materiale fotografike, audio-vizuale të skuadrës, lojtarëve, zyrtarëve (përfshirë emrat, mbiemra, statistikat dhe fanellat e lojës pa pagesë për gjithë kohëzgjatjen e garës me qëllim kryerjen e aktiviteteve promotionale.

XIII. MARRËDHËNIET ME MEDIAT

Neni 63 – Përgjegjësitë lidhur me çështjet e medias

- 63.1 Çdo klub duhet të emërojë një person përgjegjës për median i cili të koordinojë bashkëpunimin mes klubit, FSHF-së dhe medias. Përgjegjësi i medias duhet të sigurojë se ambientet e medias të jenë në gjëndje pune dhe konform rregullores së infrastrukturës si dhe të koordinojë të gjithë aktivitetet e lidhura me ndeshjen nga pikëpamja mediatike.
- 63.2 Përpara fillimit të çdo sezoni, klubet duhet të vendosin në dispozicion FSHF-së të dhënat dhe fotografitë e lojtareve dhe trajnerit kryesor si dhe fotografi historike të stadioneve apo të dhëna të tjera për qëllime promotionale.

Neni 64 – Intervistat një ditë përpara ndeshjes

- 64.1 Secili nga klubet duhet të kryejë një dalje mediatike në formë konference për shtyp apo intervistë një dite përpara ndeshjes me pjesëmarrjen e trajnerit të parë dhe të paktën një lojtari. Të dyja daljet mediatike duhet të koordinohen me FSHF në mënyrë që media të jetë prezentë tek të dyja.
- 64.2 Në rast se daljet mediatike kryhen në stadiumin e klubit pritës, ky i fundit duhet të bëjë çdo përpjekje të arsyeshme për të asistuar klubin mik në realizimin e konferencës për shtyp.

Neni 65 – Intervistat në ditën e ndeshjes

- 65.1 Në ditën e ndeshjes mund të kryhen intervista përpara, gjatë dhe pas përfundimit të sajë. Koha dhe vendi duhet të koordinohen paraprakisht me secilin klub dhe FSHF-në.
- Klubet duhet të vënë në dispozicion trajnerin e parë për një interviste përpara ndeshjes e cila lidhet vetëm me atë ndeshje. Në pamundësi, një lojtar, zv/trajneri apo një zyrtar i klubit duhet të japë një intervistë përpara ndeshjes.
 - Intervista të tjera përpara ndeshjes, mund të dakordesohen paraprakisht mes klubit dhe medias.
 - Një intervistë gjatë pushimit të ndeshjes mund të kryhet me trajnerin kryesor, zv.trajnerin me kusht që të jetë dakordësuar paraprakisht.
 - Në përfundim të ndeshjes, trajneri kryesor dhe/ose një lojtar i rëndësishëm i ndeshjes duhet të japin një intervistë për median.
 - Intervistat pas ndeshjes janë të detyrueshme për t'u realizuar. Çdo klub duhet të japë të paktën tre intervista tek transmetuesi kryesor dhe të paktën një tek transmetuesit e tjerë. Klubet duhet të sigurojnë që trajneri dhe/ose lojtaret e kërkuar për interviste të jenë të disponueshëm brënda 15 minutave nga përfundimi i ndeshjes.
 - Në rast se trajneri i parë largohet me masë disiplinore, klubi duhet ta zëvendësojë detyrimisht me zv.trajnerin.

Neni 66 – Aksesi i mediave

- 66.1 Dhomat e zhveshjes nuk mund të aksesohen nga media, me përjashtim kur klubi dhe FSHF dakordësojnë ndryshe.

66.2 Asnjë përfaqësues i medias nuk lejohet të hyjë në fushën e lojës përpara, gjatë dhe pas ndeshjes me përjashtim të ekipit të kameramanëve gjatë rreshtimit të ekipeve.

66.3 Të gjithë përfaqësuesit e medias, përfshirë fotografet, gazetarët, kameramanët etj duhet detyrimisht të jenë të pajisur me akreditimin përkatës për të hyrë në stadium.

Neni 67 – Hapësirat e punës për mediat

67.1 Klubet duhet të vendosin në dispozicion një hapësirë të posaçme punë për përfaqësuesit e akredituar të medias në përputhje me rregulloren e infrastrukturës së FSHF-së.

Neni 68 – Hapësirat e punës për transmetuesit audio vizual

68.1 Klubet duhet të krijojnë infrastrukturën e nevojshme për transmetuesit audio vizual të garës duke përfshirë asistencën teknike, energjinë elektrike, pozicionet e vendosjes së kamerave etj.

XIV. DISIPOZITA PËRFUNDIMTARE

Neni 69 – Zbatimi i rregullores

69.1 Administrata e FSHF është përgjegjëse për mirë administrimin e garës dhe ka të drejtë të marrë vendimet e nevojshme për zbatimin e rregullores.

Neni 70 – Raste të pa parashikuara

70.1 Çështje te cilat nuk janë parashikuar në këtë rregullore, të tilla si forca madhore, do të vendosen rast pas rasti nga Komiteti Ekzekutiv i FSHF. Kur kjo nuk është e mundur për shkak të pengesave kohore, çështjet do të vendosen nga Presidenti i FSHF-së ose në mungesë të tij nga Sekretari i Përgjithshëm. Këto vendime janë te formës se prerë.

Neni 71 – Mos respektimi i rregullores

71.1 Mos respektimi i rregullores sjell si pasojë marrjen e masave disiplinore në përputhje me Kodin e Disiplinës Sportive të FSHF-së.

Neni 72 – Anekset

72.1 Të gjithë anekset që i bashkëlidhen kësaj rregullore janë pjesë integrale e sajë.

ANEKSI 1

FORMULARI I REGJISTRIMIT NE GARE

Marrëveshja e Pjesëmarrjes në Garë

Akt – Marrëveshje

Kjo Akt-Marrëveshje (këtu e më poshtë marrëveshja) lidhet midis Palëve si më poshtë:

Federatës Shqiptare të Futbollit, me adresë në Tiranë, Rruga “Labinoti”, e regjistruar si Person Juridik pranë Gjykatës së shkallës së parë Tiranë, me Vendim Nr. _____, dt. __/__/_____, ligjërisht e përfaqësuar nga Presidenti, z.Armando Duka, e cila këtu e në vijim do të quhet FSHF.

Dhe

Klubit të Futbollit _____, i përfaqësuar nga z. _____, lindur më __/__/_____, në _____, Shqipëri, me rezidencë në _____, me shtetësi _____,

madhor, me zotësi të plotë juridike dhe për të vepruar, identifikuar me dokument identifikimi letërnjoftim ID, me nr. _____, këtu e në vijim i quajtur KLUBI.

Palët bien dakort si më poshtë:

I) Qëllimi dhe Kushtet e Përgjithshme të Marrëveshjes

- i) Kjo marrëveshje rregullon ligjërisht marrëdhëniet midis palëve në këtë marrëveshje, gjatë zhvillimit të Kampionatit Kombëtar të Futbollit, për sezonin 2024/2025, për Abissnet përkatëse.
- ii) Pjesë përbërëse dhe e pandarë të kësaj marrëveshje janë:
 - a) Statuti dhe rregulloret e Federatës Shqiptare të Futbollit.
 - b) Kodi i Disiplinës Sportive të FSHF-së.
 - c) Rregullorja e Veprimtarisë Futbollistike, Sezoni 2024/2025, Kampionati Kombëtar i Futbollit
 - d) Statutet dhe Rregulloret e UEFA dhe FIFA.
 - e) Ligjet e Lojës të lëshuara nga IFAB.
- iii) Klubi pranon zbatimin me përpikmëri të statuteve dhe rregulloreve të përmendura më sipër për gjithçka që është në përputhje me legjislacionin shqiptar në përgjithësi dhe legjislacionin sportiv në veçanti.
- iv) Klubi pranon autoritetin disiplinor të FSHF-së dhe i nënshtrohet vendimeve të organeve juridike të FSHF-së, si dhe të autoriteteve të futbollit të përmendura më sipër (UEFA dhe FIFA) për gjithçka që është nën juridiksionin e tyre.
 - a) Në zbatim të këtij paragrafi, klubi pranon vendosjen e sanksioneve financiare ndaj tij deri në vlerat e përcaktuara në rregulloret e FSHF-së, dhe në Kodin e Disiplinës Sportive të FSHF-së.
- v) Klubi merr përsipër dhe mban përgjegjësi për veprimet e kryera ose të mbetura në tentativë, nga zyrtarët, lojtarët, agjentët, përfaqësuesit dhe tifozët e vet përkatës, të cilat bien ndesh ose shkelin përcaktimet dokumenteve rregulluese të përcaktuara në paragrafin (ii) këtu më sipër në këtë nen.

II) Kohëzgjatja e Marrëveshjes

- i) Kjo marrëveshje hyn në fuqi më datë ___/___/_____, dhe lidhet për një periudhë deri në fillimin e sezonit futbollistik pasardhës.

III) Detyrimet dhe Përgjegjësitë e Klubit

- i) Klubi mban përgjegjësi për zbatimin e përcaktimeve në Rregulloren e Veprimtarisë Futbollistike, Kampionati Kombëtar i Futbollit, për sezonin 2024/2025.
- ii) Klubi detyrohet të paguajë brenda afateve të përcaktuara në rregulloret përkatëse, ose afatet e vendosura rast pas rasti nga FSHF, të gjitha detyrimet financiare që rrjedhin nga përcaktimet e rregulloreve të FSHF-së, ose që rrjedhin nga vendimet disiplinore të organeve juridike për sanksionimin financiar të klubit.
- iii) Klubi detyrohet të ruajë emrin e mirë të FSHF-së dhe të mos kryejë asnjë veprim që mund të dëmtojë FSHF-në, veçanërisht para dhe gjatë veprimtarive në të cilat Klubi merr pjesë.
- iv) Klubi detyrohet të marrë pjesë në të gjitha ndeshjet e përcaktuara në kalendarin e shpallur në Rregulloren e Veprimtarisë Futbollistike, për sezonin 2024/2025, Kampionati Kombëtar i Futbollit, për Abissnet Superiore U-21.

IV) Detyrimet dhe Përgjegjësitë e FSHF-së

- i) FSHF mbulon me siguracion të gjitha risqet në lidhje me përgjegjësitë që ka FSHF për organizimin dhe zhvillimin e ndeshjeve zyrtare, siç përcaktohet në këtë rregullore. FSHF ka përgjegjësi për të mbuluar me siguracion:
 - a) aksidentet e shkaktuara ndaj delegatit/ve të ndeshjes jashtë kohëzgjatjes së ndeshjes zyrtare përkatëse.
- ii) Nëpërmjet organeve të kontrollit të brendshëm, FSHF do të garantojë zbatimin me përpikmëri të përcaktimeve të Rregullores së Veprimtarisë Futbollitike, për sezonin 2024/2025, të Kampionatit Kombëtar të Futbollit për Abissnet Superiore U-21, nga të gjithë punonjësit, zyrtarët (përfshirë këtu dizajnerin e arbitrave, arbitrat, krye-vëzhguesin e arbitrave, vëzhguesit e arbitrave, delegatët e ndeshjes, dhe çdo person tjetër që përfaqëson FSHF-në, në ndeshjet zyrtare), agjentët, inspektorët ose përfaqësuesit e FSHF-së që ushtrojnë funksione në zbatim të kësaj rregulloreje, duke vënë para përgjegjësisë çdo shkelës ose kundërvajtës. Në zbatim të këtij paragrafi, punonjësit, zyrtarët, agjentët, inspektorët ose përfaqësuesit e FSHF-së që shkelin ndonjë përcaktim të kësaj rregulloreje, me vetëdije ose nga pakujdesia:
 - a) do të shkarkohen nga pozicioni i punës përkatëse;
 - b) do të ngarkohen me përgjegjësi materiale për pasojat që shkaktojnë shkeljet ose kundërvajtjet e tyre ndaj klubeve ose të tretëve.
- iii) FSHF do të garantojë kualifikimin profesional të të gjithë punonjësve, zyrtarëve (përfshirë këtu dizajnerin e arbitrave, arbitrat, kryevëzhguesin e arbitrave, vëzhguesit e arbitrave, delegatët e ndeshjes, dhe çdo person tjetër që përfaqëson FSHF-në, në ndeshjet zyrtare), agjentëve, inspektorëve ose përfaqësuesëve të FSHF-së që ushtrojnë funksione në zbatim të kësaj rregulloreje, duke kryer trajnime dhe provime (testime) ndaj personave të përmendur në këtë paragraf, në mënyrë të vazhdueshme, në lidhje me zbatimin e kësaj rregulloreje dhe rregulloreve të tjera të zbatueshme në lidhje me zhvillimin e Kampionatit Kombëtar të Futbollit, për Abissnet e Parë. Në zbatim të këtij paragrafi, FSHF ka përgjegjësi të skualifikojë çdo person që nuk i nënshtrohet provimeve (testimeve) në mënyrë të suksesshme.

V) Dispozita Përfundimtare

- i) Çdo shtesë, ndryshim ose anulim i ndonjë pjese të Marrëveshjes duhet të bëhet me shkrim nga të dyja Palët. Marrëveshjet me gojë nuk janë të vlefshme.
- ii) Kjo marrëveshje hartohet në dy kopje origjinale, nga një për secilën Palë.
- iii) Pavlefshmëria e ndonjë klauzole të veçantë nuk ndikon në vlefshmërinë e pjesës tjetër të marrëveshjes.

Vendi dhe Data

Nënshkrimi i FSHF

Vendi dhe Data

Nënshkrimi i Klubit

**ANEKSI 3
KONTRATA
LOJTARIT**

KONTRATË

e lidhur midis klubit

Kjo Kontratë
poshtë Kontrata)
më poshtë:

Java 1

Apolonia	AF Elbasani
Korabi	Bylis
Teuta	FK Vora
Egnatia	Erzeni
Vllaznia	Dinamo City
Besa	Tirana

Java 2

Apolonia	Korabi
Dinamo City	Besa
Erzeni	Vllaznia
FK Vora	Egnatia
Bylis	Teuta
AF Elbasani	Tirana

Java 3

Korabi	AF Elbasani
Teuta	Apolonia
Egnatia	Bylis
Vllaznia	FK Vora
Besa	Erzeni
Tirana	Dinamo City

Java 4

Apolonia	Egnatia
Korabi	Teuta
Erzeni	Tirana
FK Vora	Besa
Bylis	Vllaznia
AF Elbasani	Dinamo City

Java 5

Teuta	AF Elbasani
Egnatia	Korabi
Vllaznia	Apolonia
Besa	Bylis

Java 12

AF Elbasani	Apolonia
Bylis	Korabi
FK Vora	Teuta
Erzeni	Egnatia
Dinamo City	Vllaznia
Tirana	Besa

Java 13

Korabi	Apolonia
Besa	Dinamo City
Vllaznia	Erzeni
Egnatia	FK Vora
Teuta	Bylis
Tirana	AF Elbasani

Java 14

AF Elbasani	Korabi
Apolonia	Teuta
Bylis	Egnatia
FK Vora	Vllaznia
Erzeni	Besa
Dinamo City	Tirana

Java 15

Egnatia	Apolonia
Teuta	Korabi
Tirana	Erzeni
Besa	FK Vora
Vllaznia	Bylis
Dinamo City	AF Elbasani

Java 16

AF Elbasani	Teuta
Korabi	Egnatia
Apolonia	Vllaznia
Bylis	Besa

STANDARDE E

SHËRBIMI LOJTARI

të futbollit
dhe lojtarit

Shërbimi (këtu e më
lidhet midis Palëve si

Tirana	FK Vora	FK Vora	Tirana
Dinamo City	Erzeni	Erzeni	Dinamo City

Java 6

Apolonia	Besa
Korabi	Vllaznia
Teuta	Egnatia
FK Vora	Dinamo City
Bylis	Tirana
AF Elbasani	Erzeni

Java 17

Besa	Apolonia
Vllaznia	Korabi
Egnatia	Teuta
Dinamo City	FK Vora
Tirana	Bylis
Erzeni	AF Elbasani

Java 7

Egnatia	AF Elbasani
Vllaznia	Teuta
Besa	Korabi
Tirana	Apolonia
Dinamo City	Bylis
Erzeni	FK Vora

Java 18

AF Elbasani	Egnatia
Teuta	Vllaznia
Korabi	Besa
Apolonia	Tirana
Bylis	Dinamo City
FK Vora	Erzeni

Java 8

Apolonia	Dinamo City
Korabi	Tirana
Teuta	Besa
Egnatia	Vllaznia
Bylis	Erzeni
AF Elbasani	FK Vora

Java 19

Dinamo City	Apolonia
Tirana	Korabi
Besa	Teuta
Vllaznia	Egnatia
Erzeni	Bylis
FK Vora	AF Elbasani

Java 9

Vllaznia	AF Elbasani
Besa	Egnatia
Tirana	Teuta
Dinamo City	Korabi
Erzeni	Apolonia
FK Vora	Bylis

Java 20

AF Elbasani	Vllaznia
Egnatia	Besa
Teuta	Tirana
Korabi	Dinamo City
Apolonia	Erzeni
Bylis	FK Vora

Java 10

Apolonia	FK Vora
Korabi	Erzeni
Teuta	Dinamo City

Java 21

FK Vora	Apolonia
Erzeni	Korabi
Dinamo City	Teuta

SHOQËRISË	Egnatia	Tirana	Tirana	Egnatia
	Vllaznia	Besa	Besa	Vllaznia
	AF Elbasani	Bylis	Bylis	AF Elbasani

Java 11

Besa	AF Elbasani
Tirana	Vllaznia
Dinamo City	Egnatia
Erzeni	Teuta
FK Vora	Korabi
Bylis	Apolonia

Java 22

AF	Besa
Elbasani	Tirana
Vllaznia	Dinamo City
Egnatia	Erzeni
Teuta	FK Vora
Korabi	Bylis
Apolonia	

“_____”, me adresë në _____, e regjistruar si Person Juridik pranë Gjykatës së shkallës së parë Tiranë, me Vendim Nr. _____, dt. _____, ligjërisht e përfaqësuar nga Administratori, _____, e cila këtu e në vijim do të quhet KLUBI.

Dhe

Lojtarit _____, i cili këtu e në vijim

do të quhet LOJTARI.

Palët bien dakort si më poshtë:

I) Qëllimi dhe Kushtet e Përgjithshme të Kontratës së Shërbimit

- i) Kjo kontratë rregullon ligjërisht marrëdhëniet midis palëve në këtë kontratë punesimi.
- ii) Pjesë përbërëse dhe e pandarë të kësaj kontrate janë:
 - a) Statuti dhe rregulloret e Federatës Shqiptare të Futbollit.
 - b) Statutet dhe Rregulloret e UEFA-s dhe FIFA-s (ku përfshihen dhe Ligjet e Lojës të lëshuara nga IFAB).
 - c) Marrëveshjet kolektive të cilat mund të lidhen në të ardhmen.
 - d) Kodi i Etikës, Kodi i Sjelljes, Kodi i Veshjes, Kodi i Vlerave, Misioni dhe Vizioni, dhe rregulloret e Klubit.
- iii) Lojtari pranon zbatimin me përpikmëri të statuteve dhe rregulloreve të përmendura më sipër për gjithçka që është në përputhje me legjislacionin shqiptar më përgjithësi dhe legjislacionin sportiv në veçanti. Lojtari pranon se rregulloret e miratuara prej Klubit ju vunë në dispozicion dhe pasi i lexoi ju shpjeguan përpara nënshkrimit të kontratës. Rregulloret e FSHF-së, UEFA-s FIFA-s, dhe rregulloret e Klubit, i janë vënë në dispozicion në selinë e Klubit.
- iv) Lojtari pranon autoritetin disiplinor të Klubit dhe i nënshtrohet vendimeve të organeve të administrimit të Klubit që janë në përputhje me legjislacionin shqiptar dhe rregulloret e futbollit, si dhe të autoriteteve të futbollit të përmendura më sipër (Federata Shqiptare e Futbollit, UEFA dhe FIFA) për gjithçka që është nën juridiksionin e tyre.

II) Kohëzgjatja e Kontratës

- i) Kjo Kontratë lidhet për një periudhë kohe duke filluar nga data __/__/_____, deri më datën __/__/_____.
- ii) Vlefshmëria e kësaj Kontrate varet drejtpërdrejtë nga kushtet si më poshtë:

- a) Konfirmimin nga FSHF-ja, nese Lojtari gëzon të drejtën të aktivizohet në veprimtaritë zyrtare të Klubit;
- b) Rezultatet e kontrollit mjekësor.
- iii) Orët e punës së lojtarit varrojnë sipas kërkesës së arsyeshme të Klubit për të përmbushur detyrat e tij dhe Lojtarit nuk i njihet e drejta të kërkojë shperblim shtesë për punë të kryer jashtë orarit normal të punës.
- iv) Vendi i punës do të jetë në ambjentet stërvitore dhe në ambjentet e tjera te Klubit, dhe pavarësisht kësaj, Klubi ka të drejtë t'i kërkojë Lojtarit të luajë dhe të kryejë detyrat e tij në çdo vend tjetër të percaktuar nga Klubi.

III) Detyrimet e Përgjithshme të Lojtarit

- i) Lojtari do të mbajë përgjegjësi kontraktuale për përmbushjen e objektivave të ndryshëm të Klubit të vendosura dhe të shpallura para çdo veprimtarie futbollistike.
- ii) Lojtari detyrohet të ruajë emrin e mirë të Klubit dhe të mos kryejë asnjë veprim që mund të dëmtojë Klubin, veçanërisht para dhe gjatë veprimtarive në të cilat Klubi merr pjesë.
- iii) Lojtari është i detyruar të marrë pjesë në:
 - a) Të gjitha ndeshjet, veprimtaritë dhe stërvitjet e Klubit (në veprimtaritë e parashikuara për të gjithë lojtarët, ashtu edhe për veprimtaritë ose stërvitjet e parashikuara individualisht për Lojtarin në veçanti).
 - b) Të gjitha mbledhjet e lojtarëve dhe në çdo organizim tjetër me qëllim përgatitjen për ndeshje dhe veprimtari. Kjo do të zbatohet edhe në rastet kur pjesëmarrja e tij si lojtar ose lojtar rezervë nuk ishte parashikuar.
- iv) Në mënyrë të arsyeshme t'i nënshtrohet trajtimit atletik dhe terapeutik të udhëzuar prej personit të autorizuar nga Klubi.
- v) Të luajë duke shfrytëzuar aftësitë e tij më të mira gjatë gjithë kohës.
- vi) Te japë të gjitha autorizimet e nevojshme për lëshimin në favor të Klubit të të gjitha të dhënave të tij mjekësore dhe të tregojë të njëjtën gatishmëri gjatë gjithë kohëzgjatjes së kësaj kontrate.
- vii) Të luajë futboll vetëm për Klubin, ose siç autorizohet nga Klubi, ose siç parashikohet nga Rregulloret e FIFA-s, UEFA-s dhe FSHF-së.
- viii) Ti nënshtrohet menjëherë ekzaminimeve mjekësore nëse kjo i kërkohet nga Klubi dhe ti nënshtrohet trajtimeve të tilla të percaktuara nga këshilltarët mjekësorë të Klubit.
- ix) Të marrë pjesë në të gjitha udhëtimet brenda dhe jashtë vendit, duke përdorur mënyrën e transportit të organizuar nga Klubi.
- x) Të tregojë kujdes gjatë gjithë kohëzgjatjes së kontratës, për të gjitha mjetet dhe pajisjet e dhëna në përdorim nga Klubi si dhe t'ia kthejë ato Klubit sipas rastit ose pas përfundimit të Kontratës.
- xi) Të sillet në mënyrë të tillë që të mos dëmtojë imazhin e Klubit, të FSHF-së dhe sportit të futbollit në përgjithësi.
- xii) Të mos bëjë asnjë koment me palë të treta mbi çështje që i përkasin Klubit. Lojtari është i detyruar të ruajë konfidencialitetin e informacioneve që ai ka marrë dijeni gjatë veprimtarisë së tij pranë Klubit. Përcaktimi i informacionit konfidencial parashikohet në rregulloret dhe aktet e tjera të Klubit.
- xiii) Të kërkojë miratimin me shkrim të presidentit në rast se dëshiron të transferohet pranë ndonjë ekipi (klubi) tjetër, si dhe të paguajë të gjitha detyrimet financiare, të cilat do t'i kërkohen nga klubi si tarifën e kompensimit dhe detyrimet e tjera nese percaktohen ne kontrate.

IV) Mirëmbajtja dhe Përmirësimi i Gjendjes Fizike të Lojtarit

- i) Lojtari merr përsipër të shfrytëzojë të gjithë talentin dhe gjendjen e tij fizike në të mirë të Klubit, të bëjë të gjitha përpjekjet për të mirëmbajtur dhe për të përmirësuar nivelin e gjendjes së tij fizike, mendore,

dhe psikike. Në përgjithësi Lojtari duhet të tregojë kujdes për për të mos ndërmarrë asnjë veprim që mund të ulë efektivitetin e tij profesional.

- ii) Lojtari duhet të mirëmbajë treguesit dhe parametrat e gjendjes fizike individuale në normat optimale të vlerësuara e të përcaktuara nga Klubi. Lojtari njoftohet rast pas rasti për kërkesat e Klubit në lidhje me normat e parametrave dhe treguesve të gjendjes fizike që ai duhet të përmbushë.
- iii) Gjatë gjithë kohëzgjatjes së kësaj Kontrate, Lojtari heq dorë nga:
 - a) ushtrimi i ndonjë sporti ose aktiviteti, edhe gjatë periudhës së pushimeve, që mund të përbëjë rrezik për dëmtime fizike. Në veçanti ndalohet ushtrimi i sporteve të patinazhit, skive, snowboard, hedhjes me parashutë, kalërimin, motociklizmit;
 - b) ushtrimi i ndonjë sporti tjetër pa miratimin paraprak me shkrim prej Klubit.

V) Përdorimi i Të Drejtave Personale të Lojtarit

- i) Lojtari e autorizon Klubin të përdorë të drejtat e tij personale dhe ti shfrytëzojë në mënyrë individuale apo kolektive. Të drejtat përfshijnë por nuk kufizohen në:
 - a) përdorimin e veshjeve dhe materialeve të tjera sportive sipas udhëzimeve të Klubit;
 - b) shpërndarjen e fotografive të Lojtarit nëpërmjet medias ekzistuese ose të ardhme;
 - c) të drejtat mbi firmat, autografet dhe firmat e zakonshme sipas përcaktimeve të Klubit;
 - d) reklamat e ndryshme si dhe çdo lloj marketingu personal apo në kuadrin e grupit (për reklamimin e produkteve, personave e shërbimeve të ndryshme);
 - e) aktivitete dhe të tjera nëpërmjet të cilave Klubi mund të shfrytëzojë emrin dhe imazhin e lojtarit.

VI) Kujdesi Shëndetësor

- i) Klubi është i detyruar të kryejë me shpenzimet e veta sigurimin shëndetësor të lojtarit.
- ii) Përpara fillimit të çdo sezoni futbollistik Lojtari është i detyruar të kryejë analizat shëndetësore për të verifikuar aftësinë e tij për të ushtruar sportin e futbollit dhe për të përmbushur veprimtarinë sportive pranë Klubit.
- iii) Lojtari merr përsipër të zbatojë të gjitha udhëzimet mjekësore të diktuar nga mjekët e autorizuar nga Klubi, me qëllim mirëmbajtjen dhe përmirësimin e formës sportive në përputhje me përcaktimet në nenin IV (Mirëmbajtja dhe Përmirësimi i Gjendjes Fizike të Lojtarit), të kësaj marrëveshje.

VII) Detyrimet e Lojtarit në Raste të Sëmundjeve dhe Aksidenteve.

- i) Nëse Lojtari e ka të pamundur të marrë pjesë në veprimtaritë e Klubit, për shkak të pësimit të ndonjë sëmundje apo aksidenti, Lojtari është i detyruar të njoftojë menjëherë Trajnerin e ekipit të parë të Klubit, dhe personelin administrativ të Klubit.
- ii) Lojtari është i detyruar të paraqesë pranë administratës së Klubit të gjithë dokumentacionin mjekësor në lidhje me vlerësimin shëndetësor të kryer në rastin e pësimit të sëmundjes apo aksidentit përkatës, jo më vonë se dy (2) ditë nga pësimi i sëmundjes apo aksidentit.
- iii) Në rast se lojtari do të bëhet i paaftë për të luajtur për arsye të një dëmtimi apo sëmundjeje (përfshirë sëmundjet ose çrregullimet mendore) Klubi duhet të paguajë lojtarin gjatë periudhës së paaftësisë ose kohëzgjatjes së kontratës (atë që është më e shkurtër) shumë e mëposhtme të shpërblimit për periudhat si më poshtë:
 - a) në rast dëmtimi të lojtarit gjatë ndeshjeve, lojtari do të marrë pagën bazë deri në fund të 7 (shtatë) muajve të parë të kohëzgjatjes së kontratës;
 - b) në rast të çdo dëmtimi apo sëmundjeje tjetër, lojtari do të marrë pagën bazë deri në fund të 6 (gjashtë) muajve të parë të kohëzgjatjes së kontratës.

VIII) Sekreti Mjekësor

- i) Lojtari çliron nga përgjegjësia e konfidencialitetit shëndetësor, të gjithë mjekët dhe Klubin, në lidhje me informacionet e tij shëndetësore vetjake që janë thelbësore për ushtrimin e veprimtarisë sportive pranë Klubit.

IX) Detyrimet e Klubit

- i) Shpërblimi i Lojtarit – Për shërbimet e kryera ndaj Klubit, Lojtari do të përfitojë pagën siç përcaktohen në Shtojcën 1 – Shpërblimi i Lojtarit, bashkëngjitur kësaj Kontrate.
- ii) Klubi mund të zbresë nga shpërblimi i pagueshëm i Lojtarit:
 - a) gjobat e vendosura ndaj Lojtarit, sipas parashikimeve të kësaj Kontrate;
 - b) të gjitha shumat që Klubi ka paguar në favor të Lojtarit me pëlqimin paraprak të këtij të fundit;
 - c) çdo shumë tjetër të cilat duhet të jenë të përcaktuara qartë se Lojtari ja detyron Klubit;
 - d) Shumat për zhdëmtimin e dëmeve të shkaktuara nga Lojtari në dëm të pasurisë së Klubit, përfshirë këtu edhe dëmtimin e imazhit dhe/ose emrit të mirë të Klubit.
- iii) Gjatë kohëzgjatjes së kontratës, Klubi do të vërë në shërbim të Lojtarit:
 - a) personel të kualifikuar për ndeshje dhe stërvitje;
 - b) vende të përshtatshme për lojë dhe stërvitje, si dhe infrastrukturën tjetër të nevojshme në përputhje me udhëzimet e FSHF-së;
 - c) kujdes mjekësor dhe terapeutik me karakter sportiv;
 - d) veshje sportive (përveç sigurimit të këpucëve të lojës);
 - e) programin stërvitor (përfshirë ndryshimet e mundshme);
- iv) Klubi pranon se nuk mund të bëjë politikë diskriminimi ndaj Lojtarit.
- v) Klubi, në përputhje me rregullat e FIFA-s, pranon të lejojë Lojtarin kur ai thirret në Ekipin Kombëtar.

X) Masat Disiplinore dhe Sanksionet

- i) Në qoftë se Lojtari shkel ndonjë nga detyrimet e tij të përcaktuara në këtë Kontratë, ose nuk përmbush objektivat e vendosura rast pas rasti nga Klubi, Klubi mund të aplikojë penalitetet e mëposhtme, krahas të gjitha gjobave dhe sanksioneve të parashikuara në rregulloret e Klubit.
 - a) Qortim.
 - b) Gjobë
 - c) Përjashtim të përkohshëm nga ndeshjet zyrtare.
 - d) Përjashtim të përkohshëm nga stërvitjet apo veprimtaritë e tjera të organizuara apo zhvilluara nga Klubi.
 - e) Përjashtim nga Klubi.
- ii) Për efekt vlefshmërie, masat disiplinore dhe sanksionet duhet t'i njoftohen detyrimisht edhe Federatës Shqiptare të Futbollit brenda 5 (pesë) ditësh.

XI) Dopingu dhe Substancat e Ndaluar

- i) Dopingu është përdorimi i substancave të përfshira në listën e substancave të ndaluara dhe përdorimi i metodave të ndaluara në listën e FSHF-së, UEFA-s, dhe FIFA-s.
- ii) Dopingu ose përdorimi i substancave të ndaluara është rreptësisht i ndaluar. Lojtari që merr substanca të ndaluara ose inkurajon dopingun në çdo lloj mënyre, i nënshtrohet vendimit të Komisionit të Kontrollit dhe Disiplinës të FSHF-së ose organizatave ndërkombëtare, si të jetë rasti.
- iii) Konsumimi i alkoolit dhe duhanit është rreptësisht i ndaluar, dhe për këtë arsye Lojtari do të jetë në kontrollin e vazhdueshëm të Klubit.
- iv) Lojtari është i detyruar të lejojë Klubin dhe personelin e Klubit të kryejë ekzaminime sa herë që kërkohet prej Klubit.

XII) Transferimi i Lojtarit

- i) Klubi ka të drejtë të transferojë të drejtën e federimit të Lojtarit, tek një klub tjetër, brenda ose jashtë vendit, në përputhje me interesat e veta, duke respektuar të drejtat e Lojtarit, të parashikuara në rregulloret e FSHF-së, UEFA-s, dhe FIFA-s.

XIII) Përfundimi i Kontratës nga ana e Klubit

- i) Klubi do të konsiderohet se e zgjidh kontratën me Lojtarin me shkak të ligjshëm duke njoftuar lojtarin me shkrim 15 (pesëmbëdhjetë) ditë përpara në rast se lojtari:
 - a) gjendet fajtor për një shkelje të rëndë të ligjit;
 - b) nuk do të marrë parsysh çdo paralajmërim me shkrim të dhënë nga ana e klubit;
 - c) është dënuar për një vepër penale për të cilën, dënimi konsiston në burgimin për të paktën një muaj ose më shumë.
 - d) gjendet e fajtor për shkelje të Nenit XI
- ii) Në rast se Klubi përfundon kontratën me lojtarin sipas paragrafit (i), këtu më sipër, është i detyruar të njoftojë Lojtarin me shkrim për të gjitha arsyet e vendimit të marrë për zgjidhjen e kontratës.
- iii) Paguesa e lojtarit gjatë periudhës së njoftimit prej 15 (pesëmbëdhjetë) ditësh do të kryhet menjëherë.

XIV) Përfundimi i Kontratës nga ana e Lojtarit

- i) Lojtari do të konsiderohet se e zgjidh kontratën me Klubin me shkak të ligjshëm duke njoftuar Klubin me shkrim 30 (tridhjetë) ditë përpara, në rast se Klubi:
 - a) do të gjendet fajtor për shkelje serioze dhe të vazhdueshme të kushteve dhe rrethanave të kësaj kontrate; ose
 - b) dështon në pagimin e ndonjë shpërblimi, ose pagesa të tjera, ose bonuse që i detyrohen Lojtarit, sipas kësaj kontrate, për më shumë se 30 (tridhjetë) ditë nga afati kur duheshin përmbushur detyrimet përkatëse.
- ii) Nëse klubi përmbush detyrimet e veta brenda periudhës së njoftimit prej 30 (tridhjetë) ditësh sipas paragrafit (i), këtu më sipër në këtë nen, atëherë Lojtari nuk mund të zgjidhë këtë kontratë në mënyrë të njëanshme për shkak të ligjshëm.

XV) Përfundimi i Kontratës

- i) Kjo Kontratë përfundon në afatin e përcaktuar këtu më sipër (II/i – Kohëzgjatja e Kontratës).
- ii) Kjo Kontratë mund të përfundojë përpara afatit të përcaktuar këtu më sipër, me marrëveshje të shkruar midis Palëve.
- iii) Me përfundimin e Kontratës, Lojtari është i detyruar të shlyejë të gjitha detyrimet që ka ndaj Klubit. Së bashku me detyrimet financiare do të paguhet dhe interesat përkatëse.
- iv) Me përfundimin e Kontratës, në çdo rast, Lojtari detyrohet t'i kthejë Klubit çdo pronë (përfshirë edhe mjetet personale të dhëna në përdorim), si dhe të gjithë bazën materiale të dhënë në përdorim nga Klubi.

XVI) Rishikimi i kontratës

- i) Palët, bien dakord, se periudha 60 (gjashtëdhjetë) ditore përpara datës së përfundimit të kësaj kontratë, do të shërbejë si periudhë negociatash për rinovimin e kontrates apo rishikimin e kushteve të saj.
- ii) Nëse, brenda periudhës 60 (gjashtëdhjetë) ditore të përmendur më sipër, palët nuk arrijnë një marrëveshje me shkrim për rinovimin, kontrata do të konsiderohet e zgjidhur në datën e përcaktuar në Nenin II.

XVII) Zgjidhja e mosmarrveshjeve

- i) Palët bien dakord se mosmarrveshjet që mund të lindin gjatë zbatimit të kontratës, do të përpiqen t'i zgjidhin me mirekuptim, në të kundërt, kompetente për zgjidhjen e tyre do të jetë Dhoma Kombëtare e Zgjidhjes së Konfliktëve pranë FSHF.

XVIII) Njoftimet dhe Reklamimet

- i) Njoftimet që lidhen me detyrimet e palëve për zbatimin e kësaj kontrate, bëhen sipas rastit me gojë dhe me shkrim.
- ii) Palët marrin përsipër të njoftojnë njëra – tjetrën menjëherë për ndryshime të papritura lidhur detyrimet respektive.
- iii) Njoftimet për zgjidhjen e kontratës, kërkimin e një të drejtë, apo përmbushjes së një detyrimi që rrjedh nga kontrata ose ligji, për efekt të njohjes dhe ushtrimit të saj, duhet të bëhen vetëm me shkrim. Për efekt vlefshmërie, një kopje e njoftimit, duhet detyrimisht të depozitohet pranë Federatës Shqiptare të Futbollit.
- iv) Njoftimet për Klubin do të kryhen në adresën: Rr “_____” Nr. XX, Tiranë; email: _____@_____.com; Fax: _____
- v) Njoftimet për Lojtarin do të kryhen në adresën: “_____”, Tiranë; email: _____@_____.com;
- vi) Palët kanë detyrimin të njoftojnë menjëherë njëra tjetrën për ndryshimin e adresave, në të kundërt, njoftimet do të konsiderohen të kryera në adresat e mësipërme.

Vendi dhe Data

Vendi dhe Data

Nënshkrimi i Lojtarit, dhe

Nënshkrimi i Klubit

nëse është e nevojshme,
Nënshkrimi i Përfaqësuesit të tij. (Agjenti i Lojtarit, Avokati, etj.)

Nënshkrimi i Agjentit (nëse ka)

Nënshkrimi i Përfaqësuesit Ligjor
(për Lojtarët nën moshën 18 vjeç)

Shtojca 1 – Shpërblimi i Lojtarit

Më poshtë përcaktohet shpërblimi që do të përfitojë Lojtari gjatë kohëzgjatjes së kësaj Kontrate, si kundërshpërblim për shërbimet e kryera ndaj Klubit.

i. Pagesa Mujore

- a. Vlera e pagesës mujore është _____ (_____) Lekë.
- b. Pagesa mujore paguhet në datën _____ të çdo muaji pasardhës.

ii. Këstet Kontraktuale

a. Lojtari do të përfitojë shpërblime të tjera në formën e kësteve kontraktuale si më poshtë:

Data e Pagesës së Kësteve Kontraktuale	Vlera e Këstit (në Lekë)	në fjalë
	(nuk ka)	-
	(nuk ka)	-
	(nuk ka)	-
	(nuk ka)	-
	(nuk ka)	-
	(nuk ka)	-
Gjithsej	(nuk ka)	-

iii. **Shpërblime të Tjera (fakultative)**

a. Lojtari do të përfitojë shpërblime të tjera në përputhje me kushtet si më poshtë:

Kushti	Vlera e Shpërblimit (në Lekë)	në fjalë
---------------	--------------------------------------	-----------------

1. Aktivizimi në ndeshjet zyrtare deri në 50 (pesëdhjetë) minuta.

(nuk ka)

-

2. Aktivizimi në ndeshjet zyrtare për më shumë se 50 (pesëdhjetë) minuta.

(nuk ka)

-

b. Shpërblimet e tjera përlogariten në fund të çdo muaji dhe paguhen së bashku me pagesën mujore përkatëse në datën e përcaktuar në këtë Kontratë.

c. Lojtari nuk do të përfitojë shpërblimet e mësipërme në rastin e zhvillimit të ndeshjeve miqësore, ose ndeshjeve të kontrollit.

iv. **Përfitime të Tjera**

a. Lojtari do të përfitojë si më poshtë:

Përfitime

(nuk ka)

(nuk ka)

(nuk ka)

v. **Zbatimi i Taksave dhe Tatimeve**

a. Vlerat e shpërblimeve të përcaktuara në këtë Kontratë janë shprehur në shumat bruto.

b. Mbi pagesat kontraktuale që do të përfitojë Lojtari do të aplikohet legjislacioni tatimor në fuqi në Republikën e Shqipërisë.

vi. **Kryerja e Pagesave**

a. Pagesat do t'i paguhen Lojtarit në llogarinë bankare që Lojtari paraqet pranë zyrës së financës së Klubit.

b. Klubi nuk mban përgjegjësi për vonesa të pagesave për shkak të kohëzgjatjes së ekzekutimit të transaksioneve në institucionet bankare.

vii. **Shuma Gjithsej e Kontratës**

a. Shuma gjithsej e Kontratës përbëhet nga shumatorja e pagesave mujore dhe kësteve kontraktuale të përcaktuara në këtë Kontratë.

Vendi dhe Data

Vendi dhe Data

Nënshkrimi i Lojtarit, dhe

Nënshkrimi i Klubit

nëse është e nevojshme,
Nënshkrimi i Përfaqësuesit të tij. (Agjenti i
Lojtarit, Avokati, etj.)

Nënshkrimi i Agjentit (nëse ka)

Nënshkrimi i Përfaqësuesit Ligjor
(për Lojtarët nën moshën 18 vjeç)






ANEKSI 4 UNIFORMAT

Çdo klub duhet të sigurojë dhe të mbajë në gjendje funksionale 3 (tre) uniforma të ndryshme, një për ndeshjet në shtëpi (uniforma zyrtare) dhe dy të tjerat për ndeshjet në transfertë (uniforma e dytë dhe e tretë). Uniforma përmban bluzën, pantallonat, dhe getat.

Formular i deklarimit të uniformave

Klubi i Futbollit _____

Logo e klubit

Uniforma e parë	Uniforma e dytë	Uniforma e tretë	Portjeri i parë	Portjeri i dytë
				
Bluze:	Bluze:	Bluze:	Bluze:	Bluze:
Mbathje:	Mbathje:	Mbathje:	Mbathje:	Mbathje:
Geta:	Geta:	Geta:	Geta:	Geta:

ANEKSI 5
RREGULLORJA E FAIR-PLAY
Rregullorja Fair-Play

Pas ndeshjes, delegati i ndeshjes duhet të plotësojë formularin e vlerësimit të Fair-Play në sistemin COMET duke u bazuar në kriteret si më poshtë:

Pika të veçanta në formën e vlerësimit

1. Kartona të kuq dhe të verdhë

Zbritje maksimumi prej 10 pikë:

- Karton i Verdhë - 1 pikë
- Karton i Kuq - 3 pikë

Nëse një lojtar i cili ka marrë një karton të verdhë kryen një vepër tjetër e cila normalisht do të ndëshkohet me një karton të verdhë të dytë, dhe del jashtë loje, do të hiqen vetëm 3 pikë pasi llogaritet si karton i kuq. Nëse, një

lojtar që ka marrë një karton të verdhë kryen një tjetër vepër për të cilën ndëshkimi është karton i kuq direkt, një total prej 4 pikë (1 +3) do t'i zbriten ekipit në formular.

Kartoni i kuq dhe i verdhë, është pika e vetme që mund të marrë një vlerë negative.

2. Lojë pozitive

- Maksimum 10 pikë;
- Minimumi 1 pikë.

Qëllimi i këtij rregulli është që të shpërblejë lojën pozitive që është tërheqëse për spektatorët.

Në vlerësimin e lojës pozitive, aspektet e mëposhtme duhet të merren në konsideratë:

Aspektet pozitive:

- Taktika sulmuese më shumë se sa taktika mbrojtëse;
- Përshpejtimin e lojës;
- Përpjekjet për të fituar kohë;
- Ndjekjen e vazhdueshme të objektivave, edhe në qoftë se rezultati është në favor të ekipit që ka topin (p.sh. kualifikimin ose një hap larg barazim) që tashmë është arritur.

Aspektet negative:

- Ngadalësimin e lojës;
- Humbje të kohës;
- Taktika bazuar në faulla;
- Veprime në lojë etj.

Në terma të përgjithshme loja pozitive lidhet me numrin e golave të shënuar, shanset e krijuara dhe numrin e rasteve për të shënuar.

3. Respekt për kundërshtarët

- Maksimum 5 pikë;
- Minimalisht 1 pikë.

Lojtarët duhet të respektojnë ligjet e lojës, konkurrencën, rregulloret, kundërshtarët etj.

Vlerësimi duhet të bazohet në qëndrimet pozitive (p.sh. ndihmë për lojtarin e dëmtuar) dhe jo sjellje antisportive. Sjellja e paqëllimshme, por pa ndonjë qëndrim pozitiv apo gjeste ndaj kundërshtarëve, duhet të vlerësohet me notën 4 ose 5.

4. Respekti për arbitrat

- Maksimumi 5 pikë;
- Minimumi 1 pikë.

Lojtarët pritet të respektojnë arbitrat si persona, si dhe për vendimet që ata marrin. Numërimit të dyfishtë kundër "kartonave të kuqë dhe të verdhë" pika që duhet të shmanget. Megjithatë, delegati i ndeshjes mund të marrë parasysh seriozitetin e veprimeve që dënohen me kartona.

Një qëndrim pozitiv ndaj gjyqtarit duhet të shpërblehet nga vlerësime të larta, duke përfshirë edhe pranimin e vendimeve të dyshimta pa protestë. Sjellja normale, por pa ndonjë qëndrim të veçantë pozitiv apo gjeste në lidhje me arbitrat e ndeshjes, duhet të vlerësohet note 4 ose 5.

5. Sjellja e zyrtarëve të ekipit

- Maksimumi 5 pikë;
- Minimumi 1 pikë.

Zyrtarët e ekipit, duke përfshirë edhe trajnerët, pritet të bëjnë çdo përpjekje për të rritur nivelin sportiv, teknik, taktik dhe moral të ekipit të tyre në të gjitha ndeshjet. Ata pritet gjithashtu të udhëzojnë lojtarët e tyre të sillen në një mënyrë fair-play e cila është në përputhje me parimet e lojës.

Aspektet pozitive dhe negative të sjelljes së zyrtarëve të ekipit duhet të vlerësohen; p.sh. nëse ata janë të qetë apo kanë provokuar lojtarë të zemëruar apo tifozë, se si ata pranojnë vendimet e gjyqtarit etj. Bashkëpunimi me

median duhet të konsiderohet si faktor në vlerësimin. Sjellja e pafajshme, por pa ndonjë qëndrim të veçantë pozitiv apo gjeste, duhet të vlerësohet me notën 4 ose 5.

6. Sjellja e publikut

- Maksimum 5 pikë;
- Minimalisht 1 pikë.

Publiku është konsideruar të jetë një komponent i natyrshëm në një ndeshje futbolli. Mbështetja e tifozëve mund të kontribuojë në suksesin e ekipit të tyre. Publiku nuk pritet të shohë ndeshjen në heshtje. Inkurajimi i ekipeve në stadium mund të ketë një ndikim pozitiv në atmosferë, në përputhje me frymën e lojës së ndershme. Publiku megjithatë, pritet që të respektojë ekipin kundërshtar dhe arbitrat. Ata duhet të vlerësojnë lojën e ekipit kundërshtar, edhe nëse ata dalin si fitues. Ata nuk duhet të bëjnë presion për të frikësuar ekipin kundërshtar, arbitrat apo mbështetësit e ekipit kundërshtar.

Një numër maksimal i pikëve (5) nuk duhet të jepet nëse të gjitha këto kërkesa nuk përmbushen. Ky nen është i zbatueshëm vetëm në qoftë se një numër i konsiderueshëm i tifozëve të ekipit në fjalë janë të pranishëm në stadium. Nëse numri i tifozëve të një ekipi është i papërfillshëm, kjo rregullore vlerësimi nuk aplikohet për ekipin në fjalë.

7. Ekipi që në fund të sezonit futbollistik përkatës ka grumbulluar më shumë pikë gjithsej, shpallet “Ekipi Fair-Play”.



ADRESA: SHITËPIA E FUTBOLLIT,
RRUGA: "LIMAN KABA", NR. 5
KODI POSTAR 1019, TIRANA, ALBANIA
TELEFON: +35542 346 601
FAX: +35542 346 609
E-MAIL: INFO@FSHF.AL



WWW.FSHF.ORG